

Authentic  
8/10/12





DAVID-SIGISMUNDI Büttners  
CORALLIOGRAPHIA  
SUBTERRANEA.

Seu  
Dissertatio

De

CORALLIIS  
FOSSILIBUS,

In Specie,  
De

LAPIDE CORNEO

SDRN = oder gemeinem  
Seuer-Stein /

Cum  
Tabulis æneis.

---

LIPSIÆ,  
Impēnsis FRIDERICI GROSCHUFFII. Anno 1714.

---

31455





PER ILLUSTR  
AC  
GENEROSISSIMO  
DOMINO  
DN. JOH. MAUR.  
AB HESLER

DYNASTÆ IN VIZENBURG, LÜTHERSTÆDT,  
PRETZ, KLEIN-EICHSTÆDT, KLEIN-  
WANGEN, ET GELBIZ &c.

*PRINCIPIS REGII ET ELECTOR. SAXON. HÆRED.  
CUBICULARIO NOBILISSIMO &c.*

DN. SUO GRATIOSISSIMO,

FELICITATEM PERPETUAM

*precatür  
observantiss  
Büttner*

PER LITURAM

OMNIBUS

DOCTORIBUS

IN OMNIBUS

ARTIBUS

IN OMNIBUS

ARTIBUS

IN OMNIBUS

OMNIBUS

IN OMNIBUS



# PER ILLUSTRIS AC GENE- ROSISSIMAE.

DOMINE GRATIOSISSIMAE.



Acillimus fané ad TE mihi pa-  
tuit *aditus*, singulari me haec-  
nus refecisti *gratia*, & pluri-  
mum utilitatis mihi nunc quo-  
que affert *consuetudinis* tuæ usus:  
ut maximam exinde capiam a-  
nimi voluptatem, si fortè, ho-  
ris quandoque subcisivis mihi que relictis, TE & *per*  
*illustrem Fratrem tuum*, DN. HEINRICUM salutare li-  
cuit.

Quanto majori amore feror in vera Antiquita-  
tum & rerum naturalium Studia, tanto gratior &  
acceptior semper mihi fuit singularis illa *Tecum disse-*  
*rendi facultas*.

Nam quoties mihi contigit adire TE, *presentem*  
& *acrem Antiquitatum ac Rei numariae judicem*, *hilaremque*  
*Studii Mathematici ac Physici cultorem*, quem Germania,  
quem Italia, quem Gallia *consmatum* nobis redde-  
runt,



runt: toties, sermonibus TEcum habitis, discessi,  
*Mæcenas Maxime*, instructior.

Cumque ego, Fossilium Scrutator, *Coralliographiam subterraneam* hanc; cui forsan orbis eruditi & curiosioris gratiam conciliabit vel ipsius *argumenti novitas pariter ac raritas*:) publici juris nunc faciam;  
NOMEN TVVM PERILLVSTR E dissertationi huic præfigere, publicumque insignis TVÆ *gratiæ*, quâ frui hætenus licuit, TESTIMONIVM perhibere ausus sum: Spe fretus, fore, ut devotissimum hoc pietatis & observantiæ meæ *monumentum serena accipias fronte*, meque benevolentia tua & consuetudinis honestissimæ usu ulteriori habeas dignum. Deus autem T. O. M. per illustrem Domum TVAM jubeat florere quam diutissime, VOTAque TVA SECUNDA *secundet*! id quod ex animo precatur.

*Nemini tui per illustris*

Querf. d. 20. April.

Anno 1714.

observantissimus

BÜTTNER.

Elench:





# ELENCHUS.

## CAP. I.

De diversis quibusdam opinionibus circa Fossilia,  
olim submersa, in genere.

## CAP. II.

De coralliis marinis, ut marinis.

## CAP. III.

De coralliis FOSSILIBUS, unâ cum recensione è ta-  
bulâ æneâ I. II. III.

## CAP. IV.

De lapide corneo, Horn / oder gemeinem Feuer-  
Stein.

## CAP. V.

## CAP. V.

De origine ac natura coralliorum fossilium.

## CAP. VI.

De origine ac natura lapidis cornei.

## CAP. VII.


De sede seu loco deprehensionis horum coralliorum fossilium.

## CAP. IIX.

De via ac vi, qua pervenerunt in nostras regiones mediterraneas ac montosas.

DEI





DEI Solius Benignitate.

CORALLIOGRAPHIÆ SUBTERRANEÆ

Cap. I.

De diversis quibusdam opinionibus  
circa FOSSILIA, olim submersa, in genere.

§. I.

**N**Ullum credo nostrum tam rudem rerum naturalium esse, qui fando nunquam inaudiverit, subter crustâ globi habitati latitare FOSSILIA, summam quæ habeant *convenientiam*, imò *identitatem* cum plerisque ad regnum animale ac vegetabile pertinentibus. Inde quoque proverbium puto natum : *Nihil supra terram esse, quod non simul sit infra illam.*

§. II.

Nimis tamen *vexata* videtur doctrina circa hæc fossilia, utpote quæ multis, nec inferioris ceræ Physicis, crucem fixerunt, & *adhuc* figunt, seculo quamvis oculatiori. Excell. Dn. *Luidius, Anglus sagacissimus ac laboriosissimus* de se ipso fatetur : Diurna, inquit, harum rerum contemplatio non aliud nobis, quam novam quotidie admirationis, dicam; an  
A stupo-



stuporis? occasionem præbuit; adeo, ut hesternis innixam [observatio-  
nibus sententiam, *hodiernis labefactatam* sæpe fuerim expertus.

Lithophylæ, Britan. Epist. VI. ad Dn. D. Ioh. Rajum.

§. III.

Nec sine ratione. Regni enim animalis ac vegetabilis indigena, per quatuor annorum millia, in carcere terreo conclusa, partim in diluvio contusa, postea corrosa, in lapidem vel mineram commutata, characteristics sui regni notas *externas*, unâ cum qualitatibus *intrinsecis* *facillimè amiserunt*. Quid? quod multæ in mari nostro post diluvium catholicum versantes species, ne dicam genera, oculos nostros omnino lateant, quæ tamen post diluvium fossiles reperiuntur & *cum marinis, nunquam vel rarissime acquirendis*, nec conferri, nec tales judicari possunt, quales reverâ sunt. Exempli instar sint nobis Belemnitæ ac Lapidés judaici, particulæ animalium quorundam marinorum, ut circumstantiæ suadent.

§. IV.

Nemo igitur mirabitur quosdam, sibi *nimum diffidentes*, de exoptato investigationis eventu desperare, hære ac meditabundos sibi Chimæras ac Phœnices fingere, de quibus paulo post. Exin hi vel alii id devotè narrant, quod *Patres*, insimul paternam similitudinem fidelissimè i. e. *falsa non falsò* transcribunt, ne mingere videantur in veterum cineres, quos adorant. Præcipuè verò miraculifices & iconophili à quodam Bonifacio redivivo sibi anxie cavent, qui Virgilium Episcopum, quamvis philosophantem, ob assertos Antipodes fulmine olim petiit, sed romano. (a) Imò hodiè quoque dira minatur nobis, ridentibus suas mulierculas infantigeras, papas triplâ coronatos, Iacobos Compostellanos conchiferos, angelos tutelares, fictos victos à ficto Georgio Dracones, unâ cum brassicâ cruciformi Hamburgensi. (b)

(a) Centur. IIX. Magdeb. p. 534. (b) Relation curios. Happel.

Tom. I. p. 334.

§. V.

Ex adverso Scholasticorum hæredes *nimum confidunt* Physicâ terminiloquâ & dissonâ locorum communium harmoniâ, literaturâ magis, quam



quam eruditione foetâ. Huc referenda est Disputatio quædam de figuris variarum rerum in lapidibus etc. quâ Metaphysicus novam naturam subterraneam, sesquipedalis tituli: *metallo-litbo-geneticam* producere conatus est. (a) Propterea ab Excell. Dn. D. Christiano Maximil. Spenero, Reg. Maj. Boruss. Consiliario ac Archiatro, etc. in eruditissimâ de Crocodilo marino fossili dissertatione ex merito notatus: Modum, inquit, hunc indigitare sustinuit autor, & tandem eodem ferè temperamento implicatissimum quæstionis nodum solvere conatur, quo Philosophus ille Æsopicus quæstionem hortulano propositam: Cur herbæ sponte nascentes lætius ac uberius crescant, præ herbis sollicitiori hortulanorum culturâ terræ implantatis, dicendo: *Sic esse comparatam harum rerum naturam.* (b)

(a) Cap. II. §. 58. 62. 63. (b) Part. I. Miscell. Reg. Boruss. Societ. Scient. p. 112.

### §. VI.

Numerosior tamen illorum exercitus, qui facillime se expedivisse credunt & è Scepticismo effugisse, quando abnegatarum qualitatum occultarum loco, *malo longè pejus, lusus nempe naturæ*, substituunt & sæpe non sine bile, defendunt. Archæo & Archæum ludunt, sed ad urnam usque nescient Quem? Archæum quippe salutant, qui à creato mundo, mundo illudat blandulus, & ut Vir acerrimi judicii Dn. D. Georg. Ernst. Stahlus, Reg. Maj. Boruss. Consiliarius ac Archiater, Medic. ac Phys. Profess. in Acad. nobis vicinâ, epistolio ad me dato, illorum sensa urbanè expressit: Ein Archæus werde von ihnen getichtet, der solchen Spaß, Possenspiel und unnütze Spiele-Werck vornehme, darüber die Leute Maul und Nasen aufsperrren solten, inserto Diluvii testibus p. 175. 183.

Conf. Dn. D. Lungershaus. Disput. de imitamentis nat. p. 95;

§. 5. n. 2. Rudera diluv. testes, §. 81-86, 88-103.

### §. VII.

Quasi verò *majestaticus ac gravissimus Essentiator* actuosissimâ causarum ordinatione seu directione ordinis naturalis, nunquam non effecti-



vâ, *ludat*. Sanè hic ordo, five Archæum ac Spiritum mundi five naturam naturatam, imo naturantem sobriè dixeris, ab operosissimâ sapientissimi ac severissimi Numinis mente ac voluntate *unicè dependet*, nihil ex se intendit, neque *ἀνέως* intendere, destinare & efficere potest. Ideo quotquot lusuum insimulatur natura, *tot imputari Directori gravissimo* sciant ac vereantur assertores, potissimum, qui Christiano nomine superbiunt, tamen, assertionem Lusuum, *materiam idololatriæ subministrant*, imò *Apollinem ac Musas* annuli Pyrrhini cum his lusibus *crucifixorum &c.* annumerari ac credi, *ipsumque Deum* illorum *idolorum*, *ut horum crucifixorum, effigiatorem esse*, inconsultè perhibent.

### §. VIII.

Non equidem diffiteor, globo terraqueo per cataclysmum feralem depravato ordinem hunc disturbari & impediri, vel etiam in causis propioribus præpediri, quod quam plurima phænomena, malè vel etiam à *Viris eruditis, ad hominem & captum moremque vulgitantum*, lusuum nomine annotata, commonstrant. Verum neque ob hanc disturbancem vel confusionem, lusuum incusanda est œconomia naturæ. *Natura, propriè loquendo, nequaquam ludit*, sed ludere videtur illis, qui parili ingenuitate cum assertoribus qualitatatum occultarum *propriam inscitiam confiteri recusant*, quin potius phænomenorum causas occultas pro naturæ ludicris venditant, ne nihil philosophatos esse videantur. *Seriò, quia necessario agit natura, etiam in causis perturbatis, aliter dispositis, moratis, præpeditis, inde effecta ordinaria ac regularia non producentibus.* Quod è doctrinâ monstrorum regni animalis ac vegetabilis luculenter constat. Profectò, & asylo ludionum, nempe Dendritæ, certa dispositio & *necessariò agentis & materiæ habilis* inest, secundum quæ *ita, & non aliter*, effigiari potest Chorolithos vel Dendrites, propriè sic dictus, & à lithophytis planè alienus.

Conf. Excell. Helvetiorum Physici, Dn. D. *Scheuchzer*, Herbarium diluvianum fol. 17. sq.

### §. IX.



## §. IX.

Liberalis tamen sim, ne de me omnem dissensum crimentur Pægmofynophili tenaciores. Unà cum eruditissimo Philosopho ac Medico Dn. D. *Ioh. Iac. Beyero*, Professore in Altdorfinâ celeberrimo, (a) aliisque Viris Philosophis, lusuum nomine, ad mentem vulgi tantum utentibus, Lusus confiteor, profiteor. LUDITUR, inquam, LUDITUR. Verum cuius est Fabula? *Naturæ*? Retraho. *Phantasiæ* humanæ visu abutentis? Stat sententia. Phantasiæ scilicet à iudicio deserta, confusa, præoccupata, vel etiam credula, imò MIMULÆ.

(a) Oryctograph. Noric. p. 31.

## §. X.

LUDITUR, quando causarum ordinatio, decursus & effectus aliter dispositus, imò sæpe quoque ordinarius ludivendos latent, & hi aliquid occulti habent, quod ex imperitiâ mirentur.

## §. XI.

LUDITUR, quando imaginatio ex apparentiâ rerum fallitur & fallit. Quando Pægmofynophili stellas comatas, nubes armatas, equestres, dimicantes, feretrales, virgeas ac in illis *Morbonam* falce fœnariâ instructam ac metentem, den Tod mit einer Sense, & quid non? vel soli vident, hisce oculis suis usurpasse jurant, & ostiatim perorant tremuli.

## §. XII.

LUDITUR, quando in metallo in aquas infuso, in sputo in pavimentum exscreato, inprimis in lapidibus commixta materiei, marmore, achate, &c. orbes, urbes, cruces, duces, coronas, corinnas, lectores, lictores, Apollinem, Apellem, Moysen, Musas, lyras, Lares, pontifices, pannifices, littora, literas, numulos, numeros enumerant, & videre alios jubent. Potissimum, quando id, quod cum historiâ quadam religiosâ consimile, ut orum cum ove, illis videtur, 70 Θεῶν supersticiosè, ne dicam blasphemè, salutant. Quem errorem



rorem Kircheri, Viri *coetera doctissimi*, suum quoque fecit autor Disputationis de figuris variarum rerum in lapidibus.

*Kircher. Mund. subterr. Lib. IIX. sect. I. c. 9. Autor disput.*

Cap. II. §. 54.

§. XIII.

Et quod mirandum, etiam alii nostratium hunc errorem errant, qui Marias cum infantulo, crucifixos, Lutheros &c. è lapide, tanquam, ex tripode, deprædicant, & denuo recensentes, non aliter se habent, dementati credulitate, ac *homo melancholicus*, vel egregiè mendax, qui fictum proprium *iteratò* narrans, sibi ipsi imponit & *suum proprium* fictum pro *non ficto seriò* reputat.

§. XIV.

Verum enim verò quanta & miranda mentis catastrophe! Iidem ex adverso *vera* animalium ossa, imò sceleta *integra*, *vera* conchylia, *vera* denique ac *genuina* vegetabilia, ex inundatione catholicâ limoso fluido admixta, oculis obliquatis despiciunt ac lusibus naturæ ludicre annumerant, seriæ naturæ planè nescii. Ideo lusus ubique crepant ac nundinantur: Ey seht doch her! wie spielt doch die Natur nicht? hier Knochen! hier Muscheln! hier Schlangen-Zungen aus Malta!

§. XV.

*Deum itaque, natura presidem*, pro mimo habent, ipsi mimiologi; pro statuario ac pictore ipsi anaglyptæ ac figuratores, lusus affingendo divinæ *omnipotentia*, *omnipotens DE I nomen in vanum assumentes*. Ita enim de his concionantur: Bey Gott ist kein Ding unmöglich. Warum solten dergleichen Dinge nicht in der lieben Erde geschaffen seyn? Welcher Christ wolte Göttliche Allmacht leugnen? Hoc superstitioso philosophemate securiores, mundum alium, ac planè absurdum imaginantur, plura commentantur ac sine fronte commentiuntur. Machen Glossen und tichten, ohne Ruhm zu melden, ein gut Theilgen darzu.

§. XVI.



## §. XVI.

Huc referenda est *Lambecii*, Viri multæ lectionis & confidentiæ, commentatiuncula in Phiolam quandam achatinam. Iste enim pro religiosâ potestate Iconophilorum, cum *pictoribus ac poëtis semper equâ*, è maculis ac faculis, non insolitis Achatæ, sibi *litteras & in subsidium, signa fingit, multa in explicatione auctificans* omniaque verò Christianismo applicans. Qua temeritate sane facit, ut naturæ *achatinæ gnari* Iudæi, Turcæ ac Gentiles saniores in *stomacho de fide Christianorum rideant*.

Biblioth. lib. I. p. 25. §. 27.

## §. XVII.

Phantasiæ quoque *nimis confidenter indulgent*, qui vaporibus marinis, nivibus denique atque pluviis *auram quandam plasticam*, ut loquuntur, inesse ingeniosè magis, quàm solidè, dicam; an seriò? perhibent, *Viri cætera doctissimi ac laboriosissimi*. Quæ scilicet aura genetrix è vividis conchyliis, imò putridis aliisque marinis egrediatur, ascendat in atmosphæram, delabatur in solum, per tot strata, marmorea quoque ac solidissima, usque ad certas matrices, in gremio terræ ante dispositas, ad imprægnationem avidè expectandam ex magnetico quodam anhelitu excipiendam quasi prædestinatas, sine ullo errore penetret sciola, ibique generet fœcundissima.

## §. XVIII.

Ast nemo ferè Sophorum assurgit ingeniosæ huic ac lepidæ fabellæ, quam, ut credo, *tantum ingenii exercendi gratiâ* proponunt autores. Verentur enim Physici, ne hæ inanimæ animulæ carptim ac scissim ascendentes è sâlo ad Solem, circumvolantes inter tonitrua, descendentes per faxa, per ignes, inter terræ vapores frigidulos, minerales, lethales, citius exspirent, quam inspirent & animent.

Conf. Dn. D. *Scheuchz.* Querelæ ac Vindic. Piscium p. 5. sq.

Ejusdemque *Herbarium diluvianum*, præf. fol. 4. Dn. D.

*Stahl*i epistolium testibus nostris diluvii insert. p. 172. sq.

Et si lubet, ipsos *diluvii testes* §. 103-114.

## §. XIX.



## §. XIX.

Silentio prætereo alios, qui cum notatis interdum conspirant. Dicam tamen in compendio, quod res est. Viri prædicti statum habitumque globi terraquei *presentem pro primo ac creato integro habent, nullum planè, vel exiguum per feralem illam inundationem experto damnum.* Idcirco fossilia animaliter ac vegetabiliter characterifata (sit venia his & aliis auri Ciceronianæ novis ac nauseosis, *Res eloquar, non verbula*, tempore Ciceronis usitata) Nautilitas scil. Echinitas, Conchitas, Ossa fossilia, Lithoxyla, Lithophyta &c. partum esse mineralem, animalibus ac vegetabilibus consimilem, Archei sc. chimærici ac Pandoræ nunquam parituræ religiose decantant.

## §. XX.

Attamen non desunt *demonstrationes physicae*, inquit experientissimus Dn. D. *Casp. Bartholinus* (a) desunt ex altissimis montibus, in quibus extant certa vestigia, & e longissimis terrarum tractibus, qui obducti reperiuntur variis collibus arenosis ex alluentis ac *turbidi fluidi sedimento* ortis & magnam cum maris fundo similitudinem habentibus. Adeo, si ubique observentur terrarum strata, & planorum profunditates, ibi quoque reperirentur argumenta diluvii.

(a) de origine fontium, §. 5. p. 17.

## §. XXI.

Nec defuerunt Viri alii, qui penitus in fossilia hæc introspexerunt, & quantum sensûs ac rationis acumen penetrare potuit, pro submersis animalibus ac vegetabilibus agnoverunt.

## §. XXI.

Ut enumerentur autores, nec meæ Bibliothecæ, nec pagellæ copia est. Sequentes tamen, quorum aliquos Bibliotheca haut sufficienter instructa tenet, non tacebo: *Gesalpinum: Poterium: Fabium Columnam: Nicolaum Stenonem: Petrum Bocconem: Casparum Bartholinum: Iacobum Grandium: Iohannem Rayum*, Viros & ingenio & experienciâ clarissimos, citatos à Dn. Ioh. Woodvardo, Anglo ac Dn. Ioh. Iac. Scheuchzero: (a) Quin & ipsum *Woodvardum* eruditissimum, ejusdemq;  
Inter-



Interpretem Dn. D. *Ioh. Iac. Scheuchzerum*, Acad. Tigur. Professore, *Argum physicum*, Fautorem meum animo propiorem. (b) Dn. D. *Christian. Maximilian. Spenerum*, Reg. Maj. Boruss. Consiliarium & Archiatr. pientissimi ac solidissimi Theologi Filium, tanti Patris similem: (c) Dn. D. *Ioh. Wilhelm. Beyerum*, Theol. Professore in Altdorf. Magni Theologi Filium non minorem. (d) Fratrem hujus germanum Dn. D. *Ioh. Iac. Beyerum* in ead. Acad. Medicinæ Professore celeb. (e) Dn. D. *Petrum Wohlfart*, Archiatrium Casselensem, experientissimum; (f) Dn. *Gottl. Fridr. Mylium*, de Patriâ, patriæ ob fossilia optimè merentem, Fautorem meum & in hâc palestrâ commilitonem exoptatissimum. (g) Dn. *Leonb. David Herrmannum*, apud Masselenses Past. primarium, amicū desideratissimum. (b)

(a) In Geograph. physica p. 34. (b) Querel. ac Vindic. Piscium. Herbar. Diluv. (c) In dissertatione de crocodilo fossili. (d) In dissertatione de fossilibus, diluvii monumentis, scripto concinno ac solidissimo. (e) Oryctograph. Noric. p. 67. (f) In ultimo Hanoviæ Vale. (g) Part. II. Memorab. Saxonix subterr. p. 34. (b) In Masselographia p. 205.

### §. XXIII.

Horum aliorumque vestigia & ego premo, sed cruribus non ad-  
eò solidatis. Sufficiet & velle & moveri. *Motu forsan augebuntur vires.* Edidi ante quatuor annos, sub favore honoratissimi Dn. *Mylii*, *Rudera diluvii testes.* Nunc meditor *Physicam diluvianam*, DEO juvante, edendam. Interim instinctu cujusdam Patroni hanc de coralliis fossilibus dissertatiunculam præmitto, additis simul ad Illustrationem tabulis quibusdam aneis.

## Cap. II.

## De coralliis marinis, ut marinis.

## §. I.

Nemo me de coralliis disserturum arguat, ac si parerga agerem, dum corallia *marina prius* contemplor, eaque *fossilibus præmitto*. Ab imperitioribus enim corallia *fossilia facilius agnoscentur, originis esse corallinae, cum juxta ponuntur & cum marinis conferuntur*.

## §. II.

Sunt enim corallia, ut qualiquali descriptione rem proponamus, partim stirpes, partim effluvia petricosa, quæ intra aquam ad fundum ac parietes saxosos exoriuntur & succum viresque auctrices inde trahunt.

## §. III.

Ingenus *lignosum ac lapidosum* dividuntur corallia, ab oculatissimo cæco, D. Georg Eberhard Rumphio, Hanovienfi, Consiliario ac Mercatore Belgico in Amboyna, Academiae curiosorum naturæ altero Plinio.

Indian. Rapport, LII. p. 107. append. Mus. Museor. Dn. D. Valent.

Tom. I. Conf. quoque Mus. Valent. p. 104.

## §. IV.

Non dubium est, quin in oceano magno, *largissimo* reperiantur numero, quod nemo sobrius facile negabit. Certè, si ~~in~~ fundum maris, ut elegantissimo ære id communicavit *Constantinus Groot* in *der Biblischen Weisheit*, exhaustis vel abductis aquis undiquaque aperiretur, ubivis uberrimæ horum segetes oculis nostris sese offerrent. Videremus fossam seu ædes maris universas *hac illac vestitas* ramosis non tantum, sed imprimis globosis, aliisque *coralliorum generibus ac speciebus*, imò densissimis stratis ad modum pavimenti vel etiam collium, non aliter, quam incultam terram fruticetis, ericetis, vepretis, dumetis, fungis, muscoque densissimo constipatis. Videremus *incrementa coralliorum annua*,  
strata



strata inde *super strata*. Videremus *protuberantia* corallia, quibus *involutæ ac consēpultæ succoque corallino repletæ ac adunitæ* fuerint exuvix echininx, conchicæ aliorumque animalium marinorum ossa. Videremus certis in locis hoc pavimentum *multis ulnis densum, multis milliaribus diffusum* & expansum. Hoc quoque credere suadet immensa coralliorum copia tantum ad littus maris reperiunda, quam murarii Asiatici partim in calcem redigunt.

## §. V.

Ita comparatam esse maris fossam docent quoque fluvii. *Balbinus* in historiâ Bohemicâ testis est, ad collem, Bohemicè: *Scherberle*, fluvium quendam alba ac rubra corallia producere. Tabulâ nostrâ tertiâ fig. I. videmus Pyritam culinarem seu lapidem corneum, è fluvio nescio: quo? Silesiaco, missum orphanotrophio Hallensi, mihi que per manus Dn. *Vibingii* communicatum, qui, t. t. præfuit cameræ naturalium. In hoc lapide, insidet vegetabile quoddam aquaticum, nunc aridum & ex viridi nigricans longifolium, incurvatum, flexile, in extremitatibus crispatum. Eodem modo in lapide corneo adhæret, ut cæteræ plantæ marinæ fundo saxoso, orificio quasi expanso, hiantes ac fugentes. An immediatè ortum sit è lapide corneo, an seminium in lapidem inciderit, ibidemque innutritum fuerit, me fugit. Posterius tamen videtur probabilius. Nec species mihi, aliisque, quibuscum communicavi, constat. Tale quoque vegetabile verè marinum, abscerptum tamen à lapide inter cimelia aservat Dn. *Leupold*. Mathematicus Lipsiensis.

## §. VI.

Ut supra dictum ad duas classes non incongruè redigi possunt, *dendrici* scilicet *generis ac petricosi*.

## §. VII.

*Dendricon*, linguâ Malaycâ, Indis doctâ, doctisque vernaculâ: *Acarbabar* nominatur. Hoc genus in diversas dispescitur species, & quæ propius ad vegetabilia supra-terrestria accedunt, quamvis de indole saxosâ non nihil participant.

## §. VIII.

In relationibus Indicis citatis sequentes recensentur : (1) Acarbahar Pahor, corallium nigrum ac genuinum, Plinio Antipathes (2) Acarbahar Rotang seu Salianos & lingua Ternaticâ, Baumanhu (3) Acarbahar genuinum, Lac Laci. (4) Acarbahar Oulan, sive angviforme (5) Acarbahar Cipas. See-Foche (6) Acarbahar Theophrasti, Abies marina See-Cypressen. Genista aculeata, (7) Acarbahar Rutti hutti, Erica marina. See-Hayde. (8) Acarbahar Rumpot. See-Heu. Omnes hæ species sunt *nigri coloris*.

Indianische Rapport, append. Mus. Muscor. Dn. D. *Valentini*,  
Tom. I.

## §. IX.

Generis quoque dendrici species *albida* enumerantur sequentes; Calbahar invicem dictæ. (1) Calbahar nodosum littorale. Gezack't und gegittert, Carolo Clusio lib. i. exoticorum; Hippuris saxea, steinerne Pferd-Schwanz. Huc quoque referenda Hippuris pelagia. (2) Calbahar Bantamicum, quod cum nostris Europæis coralliis albis, quâ formam externam convenit. (3) Calbahar, ramis distinctum.

## §. X.

Tertia specierum classis, generis lignosi est *coloris fusci*. (1) Calbahar Poëty vel Calbahar Cajou Pouti i. e. subalbidum lignosum (2) Rode Rade sive Malaycè; Acarbahar sasapo (3) Calbahar minus, kleine graue Seefloche.

## §. XI.

Quarta ac ultima species generis dendrici (1) Calbahar reticulatum, s. cancellatum. (2) Calbahar meru. (3) Acarbahar spongiosum, & ob putatitium usum medicum: Datu Svvangi, Zauber-Stein.

## §. XII.

Sequitur nunc genus saxosum. Species sunt vel fruticiformes vel vari-formes, quâ divisione, ni fallor, Rumphianâ, supersedere cogimur.

## §. XIII.



## §. XIII.

Frutici-formes sunt, (1) Carang Bonga. *Weisse Corallen-Bäumen*. Pulcerrima omnium. (2) Carang Alea, magis truncum, quam ramos imitans, & ad structuram radicis Galangæ. (3) Carang Goyla, ramis plicatis ac contortis. (4) Carang nigricans. (6) Amaranthus faxeus. (7) Tſienkelant. *See-Meglein*. (8) Polong-lant *See-Mutter-Melſen*. (9) Reticulum marinum.

## §. XIV.

Altera ſ. variformis species ita dividitur: (1) Fungus faxeus, plicis repandis vel surgentibus. (2) Batu Parudan. *Stein-Naspen*. (3) Mitra polonica, corallion gibbosum. (4) Lapis aquosus, propter spongiositatem ita dictus. (5) Carang *Ragen-Kopf*. Hæc species à murariis Indicis in calcem facile redigitur. (6) Belemnites marinus. *Waffelstein*.

## §. XV.

Aliis nominibus insigniuntur *Americana* corallia, convenientibus partim cum denominationibus Veterum. Conf. omnino curiosissimi ac laboriosissimi Dn. *Scheuchzeri* Querelæ ac Vindiciæ piscium p. 32. & quæ ex Hans *Sloane*, Viri experientissimi, historia *Iamaicæ* subministravit.

## §. XVI.

Verùm enim verò quam plurimæ restant species, forsàn quoque integra genera, quæ nostros oculos latent. Nec vereor asserere, *plures* reperiri *fossiles*, utpote ex *imâ abyssso*, *tempore diluvii*, *expulsas*, quæ hodiè multis de causis produci nequeunt, nec alio motu vel casu evehi ac ejici possunt. Hoc ut credam, adducor à Nautilitis, specie pluribus, quam Nautilorum, nobis cognitorum. Ita quoque comparatum est cum Echinitis & Echinis marinis. *Hi nobis rariores, illi frequentiores.*

## §. XVII.

Generationis modus non adeo notus nobis, potissimum generis saxosi ad nostram considerationem magis spectantis. Rationi non repugnat, lactisimiles guttulas ramorum extremitatibus excidere, quarum virtute seminali ac crescibili novæ exoriuntur corallia. Vidi ego corallion apud Dn. *Ioh. Fridr. Kreichausium*, Mercatorem Lips. spectatissimum, in



conchæ testâ ortum. Aliud alibi in cochleâ. Ni fallor aliud apud autorem quendam, cuius nomen me fugit, in cranio humano. Hoc tamen, ut autumo, aliter fieri non potuit, nisi præfato modo. Hæc seminia à *Gassendo* in vitâ *Peireskii* salutantur flores corallini ex apicibus ramorum, tanquam matricibus, propullulantes ac destillantes.

Conf. Dn. D. Valentin. Mus. Museor. p. 104.

### §. XVIII.

Sed quid hæc ortûs ratio ad omnes species? Aliæ restant peritioribus me cognitæ. Observavi in corallio, Malaycè: Batu Parudan, dicto, *partes supra partes* ad modum *florum crystallinorum* exoriri, vulgo: *Drusen, Glüsse, Quarze*, aliorumque lapidum destillitorum, ubi semper novæ partes superinducuntur tempore prioribus, & *hæc illis quasi investiuntur*. Credo igitur, species potissimum variformes *originaliter ac materialiter succum petricosum ac calcarium* esse, quem in aquâ, tanquam in vehiculo, non secus ac stalactitem, tophum, &c. strata saxosa in fundo vel ad parietes maris *desudant*. Aliter tamen comparatum esse cum genere dendrico, hoc assertô non negarem.

### §. XIX.

Nec defunt tamen, qui coralliis utriusque generis vegetabilem naturam penitus denegare videntur, cum neque radicem, neque verum corticem ac folia habeant. Verùm an his recensitis absolvatur definitio, viderint negantes. Ad minimum, dendricum coralliorum genus è regno vegetabili ejici, non patietur.

### §. XX.

Sed revertemur ad genus petricosum, cuius major ratio in collatione cum fossilibus est habenda. Negat quidem experientissimus *Boccone* coralliorum mollitiem sub aquis, ab *Ovidio* assertam:

Sic & coraliū, quo primum contigit auras

Tempore, durescit: mollis fuit herba sub undis.

Lib. XV. Metamorph. vers. 416. sq. Negat, inquam *Boccone* mollitiem, nec tamen omnimodam. (a) Ipse enim fatetur extremitatibus fluorem albidum inesse, ideo mollem, ex quo omnino augmentum est expectan-



expectandum. Difficile creditu, sine hac mollitie augeri & crescere posse. Audiamus insuper relationes Indicas supra citatas: Alle diese Haupt-Geschlechter, so tod und hart scheinen / haben doch unter dem Wasser, so lange sie auf ihrer natürlichen Stell sitzen, eine grüne und wachsende Art, und viel derselben oben einen weissen Schleim, worinnen man einiges Leben spürt, wenn man unter das Wasser genau siehet.

(a) Dn. D. Valentini Mus. Museor. p. 104.

### §. XXI.

Nostra corallia *fossilia*, potissimum *lapis corneus* nos monent, ut *diligentius in hanc mollitiem* inquiramus, ut illorum *origo* corallina etiam ex hoc adjuncto eò magis innotescat Benignitate Dn. *Ioh. Christoph. Brückneri*, Quersfurtenensis, Chirurgi Hamburgensis, possideo corallion, globosum, fistulisque radiosiss. astriformibus instructum. In superficie apparent cavæ oviformes. Sepulcreta nominaveris, Lector. Intus enim reperi exuvias conchicas s. *testas corallio hęc crescibili interceptas ac præclusas*. Quæ ergo fieri potuit hæc sepultura? Num terebraverunt testæ subrotundæ, vi quadam imperscrutabili, densa hæc ac solida corpora? Durities moratur assensum. Mollia ergo incrementa sunt admitenda, quibus obductæ fuerunt testæ, testes mollitiei corallinæ.

### §. XXII.

Plura de coralliis in statu creato ac primo ut edisseram, non necesse, ne quidem opus. Coralliographiam enim marinam non intendo. *Hęc tantum in scenam produxi, quæ ad collationem fossilium cum marinis faciant, ut idem ortus innotescat.*

## Cap. III.

### *De coralliis fossilibus.*

#### §. I.

De coralliis fossilibus acturus, hæc ut præmoneam, nemini sit grave. Lithographos veteres si consulueris, Lector benevole, reperies quos-

quosdam scribentes lapidem, sed non moventes. Plurimi tantum fossilia nominibus ad solam similitudinem formatis, visu, ut dicitur, multum, magis verò phantasiâ decepti, recensent.

## §. II.

Testis sit *Nautilites*, seu *cornu Hammonis*, non admodum benè ab *idolo isto*, ne quidem nominis digno, denominationem sortitum. Quid dicam de *Ceraunio*, utensili Gentilium, ac *Belemnite*, utroque *fabuloso*? Ut alios taceam. Doleo tamen de lithographiâ obscuratâ. *Enigmatica* enim hâc onomatopheâ seducimur non rarò, facilè relegaturi ad *minerale* regnum subditos regni *animalis ac vegetabilis*.

## §. III.

Verum propius accedamus ad nostra corallia fossilia. Nomina, quibus recensentur ac interdum distinguuntur, sunt, quantum mihi constat, sequentia: *Alcyonium*: *Porus*: *Madrepora*: *Retepora*: *Eschara*: *Glomellaria*: *Branchiale*: *Porpites*: *Asteria*: *Astroites*: *Astroiti-formis columnellus*: *Astropodion*: *Radularia*: *Antipathes*: *Lithostroction*: *Basaltes*: *Caryophyllus marinus* &c. Ubi quædam rem declarant, cætera vero *plus nubis*, quam lucis afferunt.

## §. IV.

Omnia tamen hæc nomina *ad huc retinenda* esse, puto, ut *conveniamus* cum veteribus in re designatâ nominibus, usque dum talis agnoscat, qualis ante feralem cataclysmum fuerit. *Nec* tamen onomatopheæ priscæ supersticiosè *inherendum*, vel aliis à tritâ deflectentibus & origines repetentibus *dica est scribenda*. Brevibus: Digna sunt tot nomina, ut recondantur, *sed honestâ sepulturâ*. Lege Lector Dn. *Scheuchzerum* & Dn. I. I. *Beyerum* præeuntes & nos multum informantes.

(a) Scheuchz. Lithogr. Helv. Beyer. Oryctograph. Noric.

## §. V.

Neque deest coralliographiæ subterraneæ excell. *Luidius in Lithophylacio Britannico*. Hoc tamen non est dissimulandum, ab illo non tantum vera corallia ad hanc classem referri, sed etiam, ut ipse ultro fatetur, omnes



omnes lapides, *cujuscunque* sobolis, marinorum *coralliorum* æmulos ac *similes*, quales sunt *Asteria* ac *Porpites* &c. num. 157. Lithographiæ Britann. Certo enim certius est, *Porpitas* *Spangenbergi*, *Asterias*, *Asterias columni* formes esse vertebrae ac articulos stellarum marinarum s. capitum Medusæ specierum diversarum. Conf. omnino diligentissimi Dn. *Mylii* Part. II. memorab. Saxoniae subterr. Relat. III. p. 29. sq. Ipse ego nuper *extremam rami vel radii partem acquisivi, in gyrum testudineum contortam, triginta articulis conspicuam*, ad figuram numeri teutonici 6. Huic ramulo alii articuli soluti *sparsim adjacent*, ejusdem materiæ, quantitatis ac qualitatis. Hoc, profecto, fossile sat gravis est testis originum animalium. Sed hæc obiter.

## §. VI.

Revertar ad cancellos, recensendo corallia fossilia, quæ maximam partem meum museolum ornant, vel onerant.

## §. VII.

## TABULA I.

Tabulæ I. fig. 1. exhibetur *tuber s. globus corallinus*, fistulosus & quodammodo erosus ac obtusus, è manu liberali Dn. *Leonh. Dav. Herrmanni* apud Masselenses in Principatu Silesiæ, Olsnâ, Pastoris meritissimi transmissus, ante verò ab hoc Viro curiosissimo in ripâ ad ædes parochiales repertus. Idem ferè est cum eo, quem Tab. XII. continuatâ, num. 10. Masselographiæ delineandum curavit. TAB. I.  
f. 1.

\*  
\* \*

In genere coralliorum *marinorum* saxoso uterque locandus, in specie, quæ in Relationibus Indicis Tab. IIX. fig. 5. *Tubularia coralloidis* audit.

## §. IIX.

Tabulæ I. fig. 2. Fragmentum *trunci corallini* porosi, ex arenofodinâ Quernf. Tale quoque conspicitur in Masselographiâ. f. 2.

\*  
\* \*

Si contuleris cum corallio *marino* Dn. D. *Valentini* Mus. Museor. p. 108. pro eodem habiturus es, Lector.

C

## §. IX.

## §. IX.

TAB. I.  
f. 3.

Tab. I. fig. 3. *Tubularia coralloidis* f. *globus corallinus* tantæ integritatis, quanta à marinis in statu integro expectari potest, nisi quod extremitates fistularum succo petricofo in claustris subterraneis largius repletæ. Tubulos, apices, imo *totam structuram externam* accurate & distinctè oculis usurpare possumus. *Basin* quoque s. partem radicofam, quâ, p̄r modum fungi, inhæsit olim in Matrice saxosâ, non sine animi oblectamine videre licet, literis a. a. notatam. Hoc quoque fossile primus in Massellis Silesiæ vidit ac meum fecit prælaudatus Dn. *Herrmannus*, amicus æstumatissimus.

\*  
\* \*

Dn. Io. Fridr. *Kreichauf*, Merc. Lips. Fautor meus colendus, globum quendam corallinum *marinum* cameræ meæ adjecit, quocum optimè convenit fossile nostrum Massellense. Ideo non est, ut de originibus corallinis amplius dubitemus.

## §. X.

f. 4.

Tab. I. fig. 4. *Frustulum coralli* cujusdam nodosi ac leviter striati è montanis *Querfurten*sibus.

\*  
\* \*

Speciem *Hippuridos* saxæ vel *Corang Alea* esse facile crediderim.

## §. XI.

f. 5.

Tab. I. fig. 5. *Particula coralli albi* truncosi ac nodosi, caveis astriformibus distincti, prope *Querf.* reperta.

\*  
\* \*

Accedit ad speciem coralli albi ac lævis, malayce; *Carang Bonga*, dictam. Conf. supr. c. II. §. 13.

## §. XII.

f. 6.

Tab. I. fig. 6. *Particula coralli punctati*. Conf. Dn. D. *Scheuchzer*. corallion fossile quantitate differens. Lithograph. Helv. p. 14. fig. 17.

\*  
\* \*

Originis corallinæ esse docet collatio cum *marinis* nemini non notis.

## §. XIII.



## §. XIII.

Tab. I. fig. 7. *Globus corallinus* cimelion selectissimum. Curiosissimus noster *Mylius*, hoc possidet & Part. II. Memorabil. Saxon. subterr. æri incisum, recenset. Pace Dn. *Mylii* & huic dissertationi inferam. Astroites orientalis est perdurus, albidus ac elegantissimus, cellulis & hæ stellulis instructæ. Talia quoque reperiri in Gazophylacio Electorali *Dresdens.* idem narrat ibidem.

TAB. I.  
f. 7.

Ut ex descriptione *Mylianâ* patet, *eadem corallii* species est, quæ in relationibus Indicis p. 116. b. recensetur. Waffel-Steine sitzen, wie Knolle und halb-runde Kugeln auf den Hacken der ermeldeten Corallen-Steine. Sie sind voll viereckigter oder rundlichter Löcher, so inwendig mit vielen Strahlen besetzt. Wenn sie lange am Strande liegen, werden sie hart, weiß und graulich, auch voll grosser Gänge und Circulgen, da man die obgemeldten Strahlen drinne siehet. Es ist noch ein ander Geschlechte, welches etwas tieffer in der See wächst, blatt und voll Sterngen. Wenn sie auf den Strand kommen, werden sie so hart, als ein Kiesel.

## §. XIV.

Tab. I. fig. 8. *Furculosa punctati corallii particula* ex editiore Sabuleto, prope Querf. Conferatur Alcyonium Dn. D. *Scheuchzeri*, Lithograph. Helv. fig. 18. nostro majus corallio.

f. 8.

Hujus Speciei multa *marina* reperiuntur passim in Pharmacopoliis.

## §. XV.

Tab. I. fig. 9. *Fragmentum massæ lapidea ramulis corallinis repletis*, striatis, intortis, præruptis ac affabrè formatis. Primus hoc oculatissimus Dn. *Mylius*, ad prædium Soceri, Dn. D. *Scipionis*, Zwey-Maundorf, prope Leipzig in repurgatâ quadem piscinâ observavit, collegit & per amicos distribuit.

f. 9.

TAB. I.

f. 9:

\*  
\* \*  
\*

Indolem corallinam nemo sobrius inficiabitur. Convenit quodammodo cum *Carang Goyla Asiatico*.

## §. XVI.

f. 10.

Tab. I. fig. 10. *Fragmentum coralli* è montanis Quernf. fusci-  
di ac lividi coloris, sed punicei, ut opinor, ante submersionem. Tale,  
sed majoribus fistulis instructum nuper Dn. *Herrmann* ex Silesiâ trans-  
misit.

\*  
\* \*  
\*

Hoc fossile elegans non immerito aggregatur in numerum *Acarba-  
har*, *Speciei rubæ*. De quâ Relationes Indicæ, p. 114. b. Es ist  
ein Klump von vielen Pfeissen, als Strohhalingen, enge  
und dichte aneinander stehend. Es heist Datu Svvangi,  
und ist unter die Stein-artige Corallen zu rechnen.

## §. XVII.

f. 11.

Tab. I. fig. 11. *Corallion globosum* & quodammodo pressum,  
ductibus erroneis, gyratis ac contortis. Repertum in Principatu Oelf-  
nensi prope Massel à Dn. *Herrmanno*, Past. loci. Non infimum coral-  
liographiæ locum meretur.

\*  
\* \*  
\*

Hoc fossile idem est cum massâ corallinâ. Indis dictâ: *Patu pa-  
rudan*. Tale *marinum* ex liberalitate Dn. *Bruckneri*, Chirurgi Ham-  
burg. obtinui.

## §. XVIII.

f. 12. 13.

Tab. I. fig. 12. 13. *Fragmenta coralli* fistulosi externè fig. 12.  
intus verò fig. 13. *cancellati*.

\*  
\* \*  
\*

Massam corallinam *marinam*: *Patu-parudan* ita, quâ interio-  
ra, comparatam, vidi. Ideo huic speciei adjudicandam esse, nullus  
dubito.

## §. XIX.



## §. XIX.

Tab I. fig. 14. *Particula corallii placenti-formis* structuræ subtilissimæ, generis lignei. Superficies imitatur jubar stellatum. Levis est & attritui facili cedit. Ex arenofod. Querf.

TAB. I.  
f. 14.

\*  
\* \*

Memini, apud nostrum Pharmacopolam, Dn. Mart. Scheibium hanc speciem *marinam* coralliis albis admixtam me vidisse.

## §. XX.

Tab. I. fig. 15. *Corallion*, ejusdem speciei ac indolis cum præcedente. Iubar astrale oculum armatum mirè afficit. Nostræ arenofodinæ hoc debeo.

f. 15.

## §. XXI.

Tab. I. fig. 16. *Particula corallii*, è genere *lignoso*, porosi magis, quam stellati. Non veritus sum hoc fossile *Querfurtinum* coralliis vindicare. Inter corallia enim alba in officinis non rarò reperi.

f. 16.

## §. XXII.

Tab. I. fig. 17. *Particula ejusdem indolis*, densior præcedente. Prope Querf. reperta.

f. 17.

## §. XXIII.

Tab. I. fig. 18. Indolem hujus fossilis aliis scrutandam, relinquo. *Asteriis* columniformibus annumerandum *non est*. Caret enim materiâ seleniticâ ac juncturis fissilibus, Asteriæ propriis. Neque aliam video classem, cui commodius associare possim, præter corallia. *Cylindrites geniculatus subcæruleus* Dn. Herrmanni Mafseleograph. p. 221. Tab. XI. num. 38. proxime abest a figurâ nostri fossilis Querf.

f. 18.

## §. XXIV.

Tab. I. fig. 19. *Frustulum corallii albi*, dendrici ut opinor, generis, sed indurati. Repertum in regione montosa ac arenosâ prope Querf.

f. 19.

## §. XXV.

## TABULA II.

Tab II. fig. 1. 2. Utraque facies *ramorum collateralium*, *nodosorum*, zonulis elegantioribus instructorum, ac leviter striatorum adhuc

TAB. II.  
fig. 1. 2.

TAB. II.  
f. 1. 2. intra massam cretaceam. Quem *naturæ corallinæ testem*, omni exceptionem majorem produxit Arenofodina prope Quernf.

## §. XXVI.

f. 3. 4. Tab. II. fig. 3. 4. Antica ac postica pars *trunci cujusdam corallini*, albidâ ac punctatâ cortice obducti. Non multum differt hoc fossile à conterraneo suo Masselenfi, quod ære communicavit Dn. *Herrmannus*, Past. Mass. in Masselograph. Tab. XI. contin. fig. 62. Conf. quoque Lithophyl. *Britann.* Luidii fig. 176.

\*  
\*  
\*  
Fere idem est cum *corallio albo pelagio* Tab. II. X. fig. 4. 7. Relation. Indic.

## §. XXVII.

f. 5. Tab. II. fig. 5. Pars *corallii, lignei ac stellati generis*. Ejusdem indolis ac elegantix cum præcedentibus tabulæ I. fig. 14. 15. Extant lit. a. caveolæ forsan ejusdem originis, cujus mentionem fecimus cap. II. §. 21. Hoc corallion elargita est nobis arenofodina prope Quernf.

## §. XXVIII.

f. 6. 7. Tab. II. fig. 6. 7. *Massa corallina globulum porosum unâ cum ramis incurvatis ac punctatis continens*. Retro & antè in ære visitur. Indigena prædictæ arenofodinæ est.

## §. XXIX.

f. 8. 9. Tab. II. fig. 8. 9. Utraque facies *corallii fistulosi ac luridi*. Nemo, qui corallia in statu integro ac primo vidit, huic fossili origines corallinas denegabit. Omnia, quæ corallia marina præ se ferunt, in nostro inveniuntur, etiam ab oculis fugitivis. Una facies fistulis turget, quæ in alterâ concavæ desinunt. Repertum in arenoso monte prope Quernf.

## §. XXX.

f. 10. Tab. II. fig. 10. Fragmentum *rami corallini densioris*, nodosi, striati ac gyriati. Quernf.

\*  
\*  
\*  
Medium tenet inter *Columnellum* & *Hippurim* saxeam. Alio nomine describi idem videtur cap. VI. p. 116. Relat. Indic. *Carang Alea*  
ist



ist von einer weissen und härtern Substanz, als Carang Bonga mit kurzen und dicken Zweigen / nicht viel anders, als Galgant-Wurzel.

TAB. II.  
f. 10.

## §. XXXI.

Tab. II. fig. 11. Ejusdem speciei fragmentum.

f. 11.

## §. XXXII.

Tab. II. fig. 12. 13. Contra naturam ac origines hujus fossilis *corallinas* nihil est, quod excipi possit, adeo accuratè convenit cum corallio albo marino nimis vulgari. Crederes, Lector, immediatè depromptum esse è mari. Dn. *Herrmannus* è Massellis benevolè transmissit, idemque, sed majus in Masselographiâ, Tab. XI. cont: fig. 57, ære exhibuit.

f. 12, 13.

## §. XXXIII.

Tab. II. fig. 14. *Extremitas cujusdam corallii lignei*. Levis est ac structuræ tenerrimæ. Utriusque faciei elegantia satis exprimi haud potuit. Quernf.

f. 14.

## §. XXXIV.

Tab. II. 15. 16. Superior ac inferior pars placentæ corallinæ. Ab una parte videntur ramuli tubulosi, teneriores, ut *culmuli*: *Gras-Hålmgen*, quam proximè cohærentes. Desinunt in alterâ punctati, olim sine dubio concavi. Regio Quernf. arenosa elargita est hoc fossile.

f. 15, 16.

## §. XXXV.

Tab. II. fig. 17. *Particula Hippuridis*, ut videtur, incurvata, gyrata, perdura ac pernigra. Quernf.

f. 17.

## §. XXXVI.

Tab. II. fig. 18. Massa faxea, lurida *coralliis candidis fistulosis*, leviter gyratis, sed diffitis, conspicua.

f. 18.

\*  
\* \*

Convenit quodammodo cum *Milleporâ Imperati*, delineatâ in Relation. Indic. Tab. IIX. fig. 10.

## §. XXXVII.

Tab. II. fig. 19. Fossile Quernfurtense. Nominè *columnelli*, *coralliis* annumeratur à Dn. *Luidio* ac Dn. *Herrmanno* & aliis. Ab aliis

f. 19.

quo-

TAB. II.  
f. 19.

quoque *Alcyonium* salutatur. Litera [a. monstrat partem succo martiali exesam. Hæcce erosio insimul structuram internam reticulatam, ac coralliis propriam visui exponit.

\*  
\*  
\* \*

Non dubito, quin fossile hæc referendum sit ad speciem *coralliorum marin. Asiaticam: Polonglant. See-Mutter-Melcken.* Hoc credas suadet *Caryophyllus marinus* Dn. D. *Scheuchzer.* Querel. Pisc. p. 33.

### §. XXXVIII.

f. 20.

Tab. II. fig. 20. Massa calcaria, quâ captivi tenentur *articuli stellarum marinarum*, una cum duobus *caryophyllis mariniis* pressis. Perrev. Dn. Past. Massel. *Herrmann*, hoc fossili Silesiaco meum adauxit museolum.

### §. XXXIX.

f. 21.

Tab. II. fig. 21. *Caryophyllus minor* s. *columnellus* albidus. Adeo exesus, ut quasi excarnis appareat & tantum structuram osseam exhibeat.

\*  
\*  
\* \*

Referri itaque potest ad *Tsien-celant* Malaborum. See-Meglein. Conf. supr. cap. II. §. 13. Referente Dn. *Leupoldo*, Mathematico Lipsiensi, quidam ex Indiâ redux asseveravit, hosce columnellos opercula esse coralliorum alborum. Quod auctori relinquimus.

### §. XL.

## TABULA. III.

TAB. III.  
fig. 1.

Tab. III. fig. 1. *Lapis corneus*, in quô exorta ac enutrita est *planta aquatica.* De quâ supra cap. II. §. 5. Monendum tamen, hanc inter fossilia ex diluvio referri non debere.

### §. XLI.

f. 2.

Tab. III. fig. 2. *Corallion fossile* s. *Astroites*, majoribus stellis, marmoreæ siliceæque duritiei ad fluvium Birsæ reperiundus, & ab ipso aquæ



aquæ Fluxu lævigatus. Quem Excell. Dn. *Scheuchzer* exhibet in Lithographiâ Helvet. fig. 49. p. 36. & confert cum *Astroitâ Bocconis* tubulari, stellis majoribus.

TAB. III.

f. 2.

## §. XLII.

Tab. III. fig. 3. *Corallion*, *Lithostrotion* ac *Basaltes Luidio & Herrmanno* dictum, instructum majoribus stellis. Ex *Masselographiâ* Tab. XII. num. 20. mutuatum. Conf. *Luid.* *Lithophyl.* *Britann.* p. 120. *Scheuchz.* *Querel.* ac *Vindic. piscium*, Tab. V.

f. 3.

## §. XLIII.

Tab. III. fig. 4. *Fragmentum corallii* manifestè tubulosi, fossilis, tubulis ad certam profunditatem excavatis & structuræ interioris stellularum laminatæ vestigia clarissima exhibentibus. E *Lithographiâ* Dn. *Scheuchz.* p. 37. fig. 50. depromptum.

f. 4.

## §. XLIV.

Tab. III. fig. 5. Fossile *Querfurtense*. Ad nullam classem commodius referri posse, autumo, quam *coralliorum*. Nisi egregie fallor, superior fungi marini pars est. Hoc, ut credatur, svadent lit. a. designatæ plicæ repandæ ac sursum tendentes, lit. b. delineatum in centro vestigium, ubi, ut videtur, hæc fungo pars stylo s. pede affixa olim fuit.

f. 5.

## §. XLV.

Tab. III. fig. 6. Fossile hoc proximè abest à figurâ *nucis moschatæ*, si basin pressam exceperis. Cortex ac color minimè differt. *Vegetabilibus* annumero, quod structura externa, & quantum videre licet, simul interna svadet: *marinis* annumero, quia ex eodem strato erutum hoc, quo consepulti sunt quamplurimæ *Turbinatæ*, *Conchitæ*, *Nautilitæ* &c. Conf. Dn. *Scheuchzer.* *Lithograph. Helv.* fig. 57.

f. 6.

## §. XLVI.

Tab. III. fig. 7. Fossile *Querf.* ex *arenofodinâ* erutum. Unicum est, quod ad manus meas pervenit, ideo ære communicavi. Quamvis ad *corallia* non pertineat, inter *corallia* tamen repertum, & simul testis originum marinarum socius est. Non nisi quantitate differt à fossili

f. 7.



TAB. III. Dn. Scheuchzeri fig. 88. p. 66. Lithograph. Helv. Quod pro parti-  
 cula cauda cujusdam piscis habet autor eruditissimus.

## §. XLVII.


f. 8. Tab. III. fig. 8. An vegetabilibus *marinis* sit annumerandum, non  
 æquè constat. Reperitur in stratis saxosis petrifactum; in arenosis putri-  
 dum & friabile, *hic & illic inter pelagia*. Vir quidam experientissi-  
 mus pro *Amianto* habet, sed subdubius. Verùm quo minus assentiar, ob-  
 stat *locus cum marinis communis, putredo, friabilitas*. Mihi vide-  
 tur *corallion* esse generis *lignei* placenti-formis. Salvo tamen aliorum  
 judicio, Posito hoc, vindicandum esset speciei, tabulæ II. fig. 5.

## §. XLIX.

f. 9. Tab. III. fig. 9. Querfurtense fossile. Ut in classes *corallinas*  
*collocem*, svadet *cortex* perniger & castaneus. *Nucleus fibratus* & re-  
 liqua structura. Inferior ac superior pars dilineata est.

## §. XLIX.

f. 10-12. Tab. III. fig. 10. 11. 12. *Idem vegetabile, olim marinum*.  
 Num. 10. inferior seu radicalis pars, quâ infedit ante diluvium in lo-  
 co quodam *pelagio*. Num. 11. superior pars *corticata*. Num. 12.  
 lateratim seu obliquè delineatum, ut hâc situatione *crassities* judicari  
 possit. Lit. a. *cortice caret, relicta in saxo,*  
*cum exsolvebatur.*





## Cap. IV.

## De lapide corneo, specie corallinâ,

## Horn-oder gemeinen Feuer-Stein.

## §. I.

Si quis, tria ante secula, sub *fastosâ* Scholasticorum Dictatura asseruisset: Lapidem corneum, ex diluvio transvectum, esse speciem *corallinam*, cavissent sibi à Schismate philosophico & assertores indignissimos judicassent mitræ magisterialis, quâ nemo, in verba magistri nostri jurans, carere potuerit. Verùm hoc seculum, in libertatem vindicatum svadet: *Plus ultra physicum*. Dies diem docet & sedulis ingeniis indies se obvertunt inexpectata. Semper aliquid novi vel noviter detecti, non in remotâ tantum Africâ: sed etiam Germaniâ, imò ubivis locorum. *Non deficiunt curiosa, sed curiosi*. Quamplurima tamen reservantur sagacitati ac industriæ nos sepelientium, ac extremæ posteritatis.

## §. II.

Diversæ sunt lapidum *species*, quæ Pyritarum nomine veniunt, quorum recensio supervacanea, peti tamen potest è tractatu *Georgii Fabricii* de rebus metallicis p. 75. seqq. aliisque. *Marbodeus* Gallus, in tractatu de lapidibus, anno 1539. ab *Alardo* Amstelodamo cum glossis edito, diversis in locis *corallii mentionem facit nomine Pyritæ*, e. g. num. 974. num. 978. Sed quid sibi velit, ignoro. Non enim sum Oedipus. Adeat autorem Lector, si libet.

## §. III.

Quæ veterum mens de hac Pyritarum specie fuerit, minus laboro. Historiam enim retexere, non vacat. Paucis me expediam. Pyritæ culinaris s. *lapidis cornei* nomine, nostris potissimum regionibus, lapis indigitatur, structuræ variæ, *longæ, latæ, densæ, rotundæ, ramosæ* quoque, *ad modum aliorum coralliorum*. Coloris nigri, ruffi, cor-



*nicoloris*, crocei, lividi, interdum foris albidii. Vocatur alias *saxum cornutum*, lapis cornuus, *Horn-Stein*, nostratibus *Feuer-Stein*, *Glinten-Stein*. Cornuus, quia cornu refert. *Pyrites*, quia ad eliciendum ignem adhibetur. Reperitur in arenofodinis, stratis cretaceis, agris denique & ad flumina, &c.

## §. IV.

Priusquam me ad demonstrationem originum corallinarum accingam, præmittenda est fossilis hujus recensio sufficiens. Hæc etenim *non negligenda asserti argumenta suppeditabit*. Pictor, orator expeditissimus est. Multa paucis, angustis augusta eloquitur. Ideo & ære & pennâ recensebo Pyritas curiosiores Museoli mei, *paucis aliis* in subsidium accersitis. Advertat ergo Lector animum Tabulis IV. & V. huic lapidi corneo destinatis.

## §. V.

## TABULA. IV.

TAB. IV.  
fig. I.

Tab. IV. fig. I. *Corallia subtilissima* (flores corallinos dixerim) in *massâ lapideâ* ex arenofodinâ prope Querf. eruta. Literâ a. a. apparent *ramuli corallini* partim punctati, partim porosi. Literâ b. b. *placenta corallina* se offerunt, vel si mavis, reticula marina tenuiora. Non dif-  
fiteor omnes hosce delicias sculphello satis exprimi haut potuisse, *nimis enim subtiles ac delicatulae* sunt.

## §. VI.

f. 2.

Tab. IV. fig. 2. *Ramulam* hunc ope microscopii, *seorsim* exhibendum curavi, ad figuram enim primam pertinet. Justo major delineatus est, *ut accuratius videri ac judicari possit*.

## §. VII.

f. 3.

Tab. IV. fig. 3. *Ita quoque comparatum* est cum *reticulo* hoc *corallino*. Cavum atque porosum est, & *seorsim* delineatum, *justoque majus*, ut oculis, etiam *sine armaturâ*, pateat.

## §. VIII.



§. VIII.

Tab. IV. fig. 4. 4. 4. *Ramuli* corallini porosi, punctati, exsoluti e lapide corneo, vi aëris, ut credo, exeso. *Elegantiam horum* penicillo satis adumbrare non valuit pictor, cætera diligentissimus. TAB. II. f. 4.

§. IX.

Tab IV. fig. 5. *Truncus lapidis cornei*, ramis præruptis ac concavis, in cavitate albicantibus. Circumvestitus quoque cretaceâ vel calcariâ crustâ. Repertus in viciniâ nostrâ. f. 5.

§. X.

Tab IV. fig. 6. *Fragmentum lapidis cornei*, ramis subnigris & punctatis. E viciniâ nostrâ. f. 6.

§. XI.

Tab. IV. fig. 7. *Truncus* ex utraque parte præruptus, striis eminentioribus. Luridus est, & cretaceâ circumdatus veste. f. 7.

§. XII.

Tab. IV. fig. 8. *Lapis cornuus ramulis ac globuli punctatis*, sibi invicem adunitis. Tales globuli inter corallia alba marina in officinis reperiuntur: Ideo de naturâ hujus fossilis corallinâ minus dubitandum. Globuli, *tumorum instar*, præminent. Ad manus meas non ita pridem globulus alius pervenit. Divisi in partes, ac vidi *interiorem structuram porosam ac pellucidam, ad modum bullularum saponariarum, wie Seifen-Gesch, sehr klein und durchsichtig.* f. 8.

§. XIII.

Tab. IV. fig. 9. *Lapis corneus, reticulo marino*, s. Reteporâ ac Escharâ, ut alii loqui amant, obductus. f. 9.

§. XIV.

Miraris forsan, Lector benevole, Pyritas nostros culinares, coralli-formes? Flores in Pyritâ corallinos? tot & tam varios? ramosos? porosos ac punctatos? globosos? vaginiformes? retiformes? Noli mirari! *Curiosiora* sequentur. Pyritæ hi culinares s. Lapidés cornei intra se continent partes verè *animales*: animalium *marinorum*: marinorum *rariorum*; maris à nobis *remotissimi*. Recordare, quæ tibi



TAB. IV. supra cap. II. §. 21. 22., in aurem quasi, dixerim: Corallia scilicet ab  
fig. 9. initio esse *mollia* & suis incrementis investire atque recondere illa, quæ  
proxime adjacent. Meditare itaque sequentia.

## §. XV.

f. 10. Tab. IV. fig. 10. *Lapis corneus*, cui impressa olim fuit *domuncula  
colliculosa ac gibbosa echini marini*. Colliculi Zonati, in quibus olim  
*aculei echinini* infederunt, ex impressione sat clarè conspiciuntur. Ci-  
melion hoc ære communicat *cruditissimus Mylius* in Memorabilibus Sax.  
subterr. Part. II, *quo libro nemo nostrorum Lithophilorum facile care-*  
*re poterit.*

## §. XVI.

f. 11. Tab. IV. fig. 11. *Fragmentum, ejusdem impressionis ac effigiationis.*  
*Dono mihi concessum à Dn. Wagnero, Past. Rößlingensi ad la-*  
*cum falsum Comitatus Mansfeldensis.*

## §. XVII.

f. 12. Tab. IV. fig. 12. *Alia impressio concava domuncule cujusdam echi-*  
*nine.* In confinio nostro hoc fossile repertum.

## §. XVIII.

f. 13. Tab. IV. fig. 13. *Alia echinina ædis, & quidem scutellata im-*  
*pressio concava*, ubi quædam *scutella* simul & *vertebra nodosa* sat con-  
*venienter impressæ* conspiciuntur. In confinio nostro prope Schaf-see,  
*prædium illustris Domini à Letmat* reperta.

## §. XIX.

f. 14. Tab. IV. fig. 14. *Diversæ speciei echinina impressio convexa in la-*  
*pide corneo*, ibidem reperto.

## §. XX.

f. 15. Tab. IV. fig. 15. Hunc *lapidem corneum* omnibus forsan antepo-  
*net* Lector curiosior. *Integer & elegans* in illo reperitur *Echinites*.  
Me præunte, à filio natu minore, ad fissuram montis, bey einem Was-  
ferschluff, observatus. Post aliquot menses alium ejusdem magnitu-  
dinis ac integritatis acquisivit.

## §. XXI.



## §. XXI.

Tab. IV. fig. 16. *Particula aculei echinini albidæ ac nodulis instructi in lapide corneo*, satis conspicui.

TAB. IV.  
f. 16.

## §. XXII.

Tab. IV. fig. 17. *Loculus in Pyritâ, mirè pulcher, cui aculeus seu radius Echini figuram suam exactissimè inpressit & reliquit.* Lit. a. *massula saxeæ præeminens ac apicata*, efformata (quod probè notandum) in concavo istius aculei, im Grûbgen des Stachels, in quo olim insedit ac adhæsit colliculo echinino crustaceo, da es auf der Spitze des Hüfels aufgesessen. Hoc tamen monendum, auxiliis *microscopicis*, majori forma, me jubente, delineatum esse. Aliter enim visu vix ac ne vix quidem capi potuisset.

f. 17.

## §. XXIII.

Tab. IV. fig. 18. *Impressio conchule marinæ striatæ.* Tales lapides sagacioribus non raro se offerunt. Plus quam decem ego collegi & amicis concessi.

f. 18.

## §. XXIV.

Tab. IV. fig. 19. *Lapis corneus Belemnitem in se continens, quem crescendo cooperuit.* Ipse Belemnites lit. a. cavitatem *conicam*, litera, b. *spinam medullarem circumcirca radiosam* oculis exponit. Non procul hinc in Langen-Eichstätt repertus est, quem benevolentia Dn. M. Rammoldi P. L. C. felicissimi ac Pastoris ibid. meo museolo concessit. Hic, profectò, lapis cornuus testis est asserti nostri non contemnendus & ludiones ludens.

f. 19.

## §. XXV.

Tab. IV. fig. 20. 21. *Utraque facies, antica & postica corallii latiformis, striati, punctati, nodosi, fuscidi, & nî fallor, olim coloris rubri.* E viciniâ nostrâ. Enodavi è lapide corneo in calcem ferè redactò. Elegantiâ characteris corallini exsuperat corallium Luidii, num. 92. Tab. II. Lithophylac. *Britannici*, quantum ex æreâ descriptione judico.

f. 20.

## §. XXVI.

Dudum consignatâ Tabulâ præcedente, Dn. Frid. Ottomar Biering, Islebien-



Islebiensis, Dn. *Vollradi*, Pastoris apud Esperstadien ses emeriti Adjunctus fidelissimus, meum visitavit muscolum, & ut Vir ingeniosus ac alacris, hâc studio auxiliatrices manus mihi promisit, in Senium declinanti. His promissis stans primitias, lapidem scilicet corneum, coralliis subtilioribus mirè refertum & a se ipso acquisitum obtulit ac instigavit, ut hanc quintam adderem tabulam & *curiosiora* hujus lapidis communicarem. His insuper, *eiusdem commatis* inserui, quæ ab aliis amicis transmissa sunt.

## §. XXVII.

## TABULA V.

TAB. V.  
fig. 1.

Tab. V. fig. 1. *Echinites*, quin potius *massa corallio-silicea*, quæ exuviæ echininae repletæ fuerunt, nunc exsoluta. *Marcbia* mediæ hunc echinitam debemus, transmissum ab amico meo sincero, *pienissimo* Dn. *Elia Mathie*, Pastore in Pöwzin & Roskau, prope Spandau. Exiguum est, quod differt ab *Echinitâ*, quem *Rumphius* in Insulâ Amboyâ acquisivit, *testemque Diluvii universalis* produxit.

Amboyn. Naritâten Cammer Tab. LIX. num. E.

## §. XXIX.

f. 2.

Tab. V. fig. 2. *Impressio aculei echinini* in lapide corneo, striis, non nodulis instructi. E viciniâ nostrâ.

## §. XXIX.

f. 3.

Tab. V. fig. 3. *Eadem impressio aculei*, sed nodulis ac striis simul instructi. E viciniâ.

## §. XXX.

f. 4. 5.

Tab. V. fig. 4. 5. *Impressiones in lapide corneo, exuviarum echininarum* diversæ speciei. E viciniâ.

## §. XXXI.

f. 6.

Tab. V. fig. 6. *Fossile speciei cujusdam echininae. Prope Quers.*

## §. XXXII.

f. 7.

Tab. V. fig. 7. *Impressio colliculi echinini.* Ex agro Lipsiens. Dn. *Leupold, Mathem.* Lips. acquisivit & communicavit.

## §. XXXIII.



## §. XXXIII.

Tab. V. fig. 8. 10. 11. *Ramuli corallini in lapide corneo communi-* TAB. V.  
*cato per Dn. Biering & §. 26. commemorato. Striæ subtiles ac elegantif-* f. 8. 10. 11.  
*simæ* sat testantur de *naturâ corallinâ*. Quidam ramuli, quâ crassitiem,  
 conveniunt cum *pennis anserinis*.

## §. XXXIV.

Tab. V. fig. 9. *Ramulus præcisus, prædicti lapidis cornei, partim* f. 9.  
*striatus, partim punctatus.*

## §. XXXV.

Tab. V. fig. 12. 13. 14. 15. *Ramuli corallini ejusdem lapidis, po-* f. 12-15.  
*ris, in modum gyri ac Zonulæ instructis.*

## §. XXXVI.

Tab. V. fig. 16. 17. *Reticula marina in eodem lapide corneo.* f. 16. 17  
*Differunt quodammodo inter se.*

## §. XXXVII.

Tab. V. fig. 18. *Antholithos s. articulus radii stellæ marinæ, ut* f. 18.  
*videtur, in lapide corneo impressus, Prope Querf.*

## §. XXXVIII.

Tab. V. fig. 19. *Impressio Asteriæ s. articuli stellæ marinæ in lapide* f. 1.  
*corneo. Ex agro Lipsiensi.*

## §. XXXIX.

Tab. V. fig. 20. *Impressio sic dicti lapidis judaici in pyritâ cu-* f. 20.  
*linari.*

Notandum: In nostris arenofodinis *tales lapides judaicos inter mul-*  
*ta alia pelagia* passim reperiri, quæ *magnitudinem pisi vix excedunt.*  
*Cætera*, indole seleniticâ gaudent & obliquè seu decussatim findi possunt,  
 ut vulgares. Delineandum curavi fig. 21.

## §. XXXX.

Tab. V. fig. 22. *Conchites striatus candidus, indolis corallinæ.* f. 22.  
*Ex utrâque parte sat elegans,*

## Cap. V.

*De origine ac naturâ coralliorum fossilium.*

## §. I.

Nullus dubito, quin omnes, quibus usus rationis integer & à præconceptis liber, hac capitum III. & IV. recensione *ingenuâ ingenuè* admiffa ac pensitatâ, ejuraturi sint lusus, opprobria rationis, & abituri in nostram sententiam, nimirum: hæc corallia fossilia esse originis ac naturæ corallinæ. Id sane eo liberius, cum *corallia status primi ac integri*, quorum, capite II. recensio facta, *juxta nostra fossilia posuerint & conferendo examinarint.*

## §. II.

Accingimus itaque nos ad demonstrandam horum non tantum naturam corallinam, sed etiam ad *eligendam* methodum, quâ inquisitio ac demonstratio fieri debeat. Constat enim, quosdam, lectâ falsâ methodo, incidisse in Scyllam, cum Charybdin fugerint.

## §. III.

Summus ac sapientissimus Essentiator omnia, quæ in hoc globo terraqueo existunt, *ordine & ordini* creavit, cunctaque creata hodiernum ita conservat. Paucis me expediam. Accommodum locum non solum animalibus, sed etiam vegetabilibus, tum generationis, tum habitationis, unâ cum generandi ac nutriendi mediis & subsidiis ibidem reperiundis destinavit. *Solidum ac fluidum proprios sibi vindicat cives.* Quoquo oculos vertemus, evadent hi in testes sat graves, aggredientur nos contradicentes, & constringent.

## §. IV.

*Idem obtinuit* Restaurator benignissimus *post* catastrophem illam aquosam. Deterior quidem, non alia facta est terra: Alterata, non penitus altera: monstrosa, non nova. *Mansit & adhuc durat ordo ortus & nutritus: mediorum & habitaculorum:* apud animalia & vegetabilia: terrestria ac aquatilia; *Sine mixtione ac translocatione.* Aquatilia non



non terram: terrestria non aquam agnoscunt pro loco *generationis, habitationis ac nutritus*.

## §. V.

Verum enim verò reperiuntur & animalia & vegetabilia, & marina & terrestria, in sinu terræ, germanâ ac genuina mineralium matrice. Quæritur ergo: an pro veris animalibus ac vegetabilibus sint habenda? potissimum, cum *civitate regni mineralis fuerint donata* i. e. petrifacta, mineralifata, &c.

## §. VI.

Nova hinc oritur quæstio: Quibus notis characteristicis hæc animalia ac vegetabilia vera à veris ac propriis regni mineralis subditis dignoscenda sint? Quidam, ut originem ac naturam animalium & vegetabilium in terra reconditorum scrutentur, & hæc à mineris discernant ac separent, *methodo utuntur chymicâ*, inquirendo in internas qualitates. Alii subsistunt *in externo charactere, nimirum effigiatione mechanicâ seu structurâ aggregativâ*.

## §. VII.

*Tutissima via est posterior*, nec tamen, si libet, negligenda penitus inquisitio per Pyrotechnian.

## §. VIII.

Methodum chymicam elegit, minimè rejectâ nostrâ methodo, Dn. Lic. Ioh. Samuel Caroli, Medicus *quandam* Oeringensis, scrutando internas ossium fossilium Canstadenfium qualitates. *Quod non infeliciter cessit.*

## §. IX.

Ast enim hujus examinis *non æque indigent* fossilia olim submersa, multo minus *omnia & semper, neque semper & in omnibus proficui*. Quod sibi notent, qui Pyrocriticam, *exclusâ* altera methodo, pro sedente Judice *unicè* agnoscunt. *Aliter* enim fossilia se omnino haberi coguntur pro ratione strati ejusmodi, *strati*, inquam, *quo sepulta*. In humidis enim putrescunt faciliè. In porosis, e. g. arenosis ac tophaceis, calcinationem subeunt. In solidioribus adimplentur *succo crystallino ac aliis mineralibus*. Hos enim succos varios & vagabundos *inbiberunt*



*inibi.* Ideo *alias* qualitates, quam *connatas* proprias, reperiet Chymicus, potissimum in petrifactis ac mineralisatis. Nimiâ igitur confidentiâ fallitur & fallit, in sui & suæ artis opprobrium, *pro nudâ minerâ reputans mineralisatum, & pro lapide nudo petrifactum.* Non aliter, ac si quis corpus *humanum* glaciatum, neglecto charactere externo, i. e. *structura humanâ, pro nudâ glacie,* ac si glacies *tantum* humanam figuram induisset, venditare velit. *Delabitur itaque in lusus: Ludio in vitium: Vitiosus in inquisitionem, ipse ante inquisitor chymicus.*

## §. X.

Lignum fossile sit nobis exemplo. Non rarò alumine imprægnatum. Quale Dubiense in Misniâ & à Dom. D. *Wolfio*, Medico Dubiensi, mihi benevolè transmissum. Hoc verum ac genuinum esse lignum *structura, pectines scil. fibræ, nodi, levitas aliaque attributa* abunde docent. Idem testatur experientissimus Physicus ac Chymicus Dn. D. *Stablius*, quocum de hoc ligno communicavi. Aliud bitumine turget, ut Meuselvicense in Misniâ. Lignum subterraneum Hassiacum argento dives Excell. Dn. *Ioh. Iac. Beyer*, Med. Prof. publicus in Altdorfina, pro gratiofo in me affectu, non ita pridem transmisit. Ante aliquot etiam menses per manum celeberrimi Mathematici Dn. *Christiani Wolfii*, Mathes. Professoris in academia nobis vicinissimâ, Hallensi, ad me pervenit lignum ♂te imprægnatum, cujus mentionem faciunt Magnifici Actorum *Lipsiensium Autores*, a. 1710. p. 484. Iurasses, martem *non in esse, sed esse*, nisi character *dendricus aliud & melius* svaderet.

## §. XI.

Testis omni exceptione major est lignum in confinio nostro prope Sittichenbach, Holdenstædt ac Bornstædt erutum. Regno olim vegetabili subfuisse confirmat *tota structura, cortex, truncus, rami, radices, nodi &c.* Nec tamen tractui huic subterraneo arbores defunt, *ponderosissimo Vitriolo ac interdum & repleta, quæ fissæ vel decussatim disruptæ in expertis æ videntur.* Glockenspeise, Kupffer-Gau. Verum in aërem per aliquot menses, potissimum *humidiores*, exposito hoc ligno, Vitriolum latitans, ut forex, se prodit. *Egreditur foras, in flores*



*res se colligit, tandem avolat. Structura dendrica apparet, sed lacera, quæ postmodum in favillam albidam abit. Quod probè notandum*  
§. XII.

Non ita procul à Sittichenbach versus Septentrionem in Comitatu Mansfeldensi reperiuntur arbores *eodem* fato conscriptæ, *ferè integræ*, utut subnigræ. Frustum hujus ligni concessit Dn. M. *Iob. Erdmann Bieck*, V. D. Min. Islebiensis vigilantissimus, beati Dn. *Nicol. Voigrel*i. Præfect. metallurgic. (*Berzeliendners*) Gener. Miraberis, Lector, in pectinibus ac fissuris *veram & flavidam resinam, etiam attactu dignoscendam*. Si accenditur, illico flammam concipit, *expellentem* resinosa copiosiora. Odor non adeo differt à *Succino* s. capite *mortuo* succini. Obiter hoc addam, quod facta succini odoris mentione, memoriâ repeto. In hoc tractu versus septentrionem prope Sangerhausen, non tantum *eadem strata arborea* reperta fuisse, sed etiam *verum ac genuinum succinum* in *argilofodina*, cujus Succini particulam ex liberalitate Dn. *Stockii*, chirurgi nostri civici possideo. Sed redeo in viam.

## §. XIII.

Ex his omnibus constat, *qualitates has internas*, e. g. Lunæ, Martis, Vitrioli, Aluminis &c. *non esse connatas*, sed post submersionem *acquisitas*. Vapores enim *minerales permeaverunt* non tantum, post diluvium, strata ipsa terrea, sed & *omne id, quod in his offenderunt*. Prolixiorem demonstrationem reservabimus Physicæ diluvianæ, *σὺν τῷ Θεῷ* edendæ. Propterea hæ internæ qualitates *de origine ac natura ligni hujus* minimè testari possunt.

## XIV.

Tibi ergo serva artem, Chymice, *cetera nobilissimam*, ne tuus *abusus* proprietates ligni connatas ac characterislicas magis destruat, quam doceat. *Insto*. Collige crania bovina, elephantina, caprina, crocodilina & alia. Fac periculum. Immitte igni, ut debes ac soles, prudens. Dirige, adauge, subtrahe flammæ. Inquire in falia. Dic, fodes, ex his productis chymicis *cujuslibet* animalis discrimen *specificum*, quod tamen *vel sola* consideratio *structuræ aggregativæ* te docere potest.



Tergiversaris? Vereor, ne *sola* methodo chymica carbones, operam ac brabeum perdideris, imò simul *machinam animalem destruxeris*. Ideo etiam nostra fossilia, ut alia submerfa, à mineralibus *optimè, imò unicè*, discernuntur notis characteristicis *externis*, quibus ipse creator ab aliis aliisque *distinxit in creatione*.

## §. XV.

*Nullum unquam minerale, verum scilicet ac genuinum, gaudet tali caractere: multo minus specifico: multo minus constante ac perpetuo per tot millia individuorum. Terra, lapides, minera sunt compages incertæ, incondita, variæ ac mutabiles. Nec Aurum, Luna, Antimonium, &c. quando adhuc resident in terrâ vel petrâ, semper & accuratè distingui possunt. Inde sequitur: Nullum fossile characteris animalis ac vegetabilis, veri ac perpetui, est originaliter minerale, sed petrefactum, sed mineralisatum &c.*

## §. XVI.

Hoc *axiomate* præmunitus ante sex annos & quod excurrit, horis *mibi recreando relictis*, studium hoc lithographicum, *vel tyro*, sum aggressus, nec tamen infeliciter, utpote qui nunquam experientissimos chymicos *dissentientes* fuerim expertus, quod diversis horum literis comprobare possem, nisi modestia speciem ostentationis evitandam sva-deret. Et hòc quoque discursu supersedere potuissem, nisi *quidam*, Chymiâ abutentes, dicam mihi scribere & hanc artem tanquam *unicam ac supremam judicem sedentem*, obtrudere voluissent.

## §. XVII.

Idcirco *tantum ex structurâ* coralliorum *marinorum*, tanquam notis characteristicis *certissimis*, nostra judicemus fossilia, *non igne chymico*. Et hoc eo magis, cum ipsa corallia *marina* magis accedant ad naturam *lapidum*.

## §. XVIII.



## §. XVIII.

In limine quoque inquisitionis in memoriam revocandum est, quod antea monui: scilicet plures *fossiles* reperiri coralliorum species, quam *marinas*. *Copiosiores* enim in illo *diluvio universalis ex altâ abyssu* eruclatæ fuerunt, quam *ordinariâ* maris revolutione ac æstu, vel urinatorum *audaciâ* vel alio *casu* extorqueri, protrudi vel exportari ac colligi minime possunt.

## §. XIX.

Nunc aggrediamur *ipsam cellationem fossilium cum marinis*.

Necesse est, corallia marina in *basi* quadam *radicali inherere ac innutrir* saxosis.

Ita quoque (1) comparatum est cum fossilibus. Hoc docet *fossile Silesiacum* Tab. I. fig. 3. a. a. Solus cæcus non videt orificium (liceat ita loqui) quo exsuxit olim incrementum, non secus, ac *fungus terra affixus*. (1)

Idem innuit fig. Tab. I. Radices quidem impetuosa inundatione sunt præfractæ, vel etiam in istatu depravato exesæ ac consumptæ. Centrum tamen quasi radicale s. umbilicus, ex quo in peripheriam diffunduntur *fistulæ collaterales*, abunde nos docet de *insitione primigenia*.

Idem testatur Tabulæ I. fig. 7. Confer. Tab. IV. fig. 1. & 8.

## §. XX.

Supra cap. II. §. 20-22. ostensum, *oriunda* corallia marina esse *mollia*. (2)

Neque (2) hæc mollities nostratibus deneganda est. Ab *origine mollia fuisse* ex tota structura demonstrari potest. Tab. I. fig. 1. 3. 7. 9. 10. 11. 12. 13. 14. 15. Tab. II. fig. 6. 9. 15. 16. Tab. III. fig. 3. 4. Videmus enim partes ac *fistulas prioribus novas ac socias*, secundum indolem marinorum exortas. Confer omnino cap. sequ. §. 9. de mollitie originali lapidis cornei.

## §. XXI.

Primi coralliorum generis character genuinus est *indoles dendrica*.

Ita ac taliter (3) characterisata reperimus quædam *fossilia*, & quidem non unius speciei, sed plurium. Tab. I. fig. 14-19. Tab. II. fig. 5. Tab. III. fig. 8. (3)

## §. XXII.

## §. XXI.

Secundum marinorum coralliorum genus est *saxosum*, de quo fusè egimus cap. II.

- (4) Et hoc genus reperitur (4) fossile. Quod comprobant Tabulæ I. fig. 1-6. 8-13. Tab. II. fig. 1-4. 6-13. 15-21. Tab. III. fig. 2-4. Excipere quis possit, intra terram esse petrificata. Huic respondetur: (a) Reperiri quoque in arenofodinis, ubi immersa magis in calcem redacta, quàm lapidem: (b) Inter corallia dendrici generis, non petrificata. (c) Et si revera in saxum degenerassent, quid tum? Sequeretur è genere dendrico olim fuisse.

## §. XXIII.

*Ramosa* dantur coralliorum marinorum species. Vid. cap. II.

- (5) Etiam terra (5) post diluvium has species communicat. Tab. I. fig. 5, 8, 9. Tab. II. fig. 1, 2, 13, 8, 9, 18.

## §. XXIV.

Corallia quædam marina sunt *truncata* seu *ramis destituta*.

- (6) Neque hæc specie carent (6) *fossilia*. Tab. I. fig. 1, 4, 9. Tab. II. fig. 1-4, 10, 11, 17.

## §. XXV.

Corallia quædam *marina* sunt *nodosa*, instar Galangæ. Knotig, wie Galgant.

- (7) Et hanc speciem, (7) enumerant *fossilia*. Tab. I. fig. 4, 18. Tab. II. fig. 1, 2, 11, 12, 17.

## §. XXVI.

Corallia quædam *marina* superbiunt *gyris elegantioribus*.

- (8) Neque hoc decore (8) destitutæ sunt corallia *fossilia*. Tab. II. fig. 1. & 2.

## §. XXVII.

Corallia *marina* sunt interdum *striata*.

- (9) Et hæc striæ, (9) conspiciuntur in *fossilibus*. Captiva quàmvis, hunc tamen mundum in immundo subterraneo mundo retinuerunt. Tab. I. fig. 9. Tab. II. fig. 1, 2, 15, 19, 21.

## §. XXIX.



## §. XXIX.

Corallia quædam marina sunt *punctata*.

Quædam *fossilia*, (10) non aliter sese habent. Tab. I. fig. 2. 8. (10)  
Tab. II. fig. 16. Horum *puncta* interdum adeo *subtilia*, ut armaturâ  
oculorum indigeant, imprimis in lapide corneo.

## §. XXIX.

Quædam *marina majoribus ac minoribus poris* sunt instructa.

Neque hi (11) defunt *fossilibus*. Porositatem docent Tab. I. (11)  
fig. 6. 17. Tab. II. fig. 6. 7. 9. 14. 16. 19. 21.

## §. XXX.

Quædam marina sunt *fistulosa*, horumque diversæ species.

Itaque *nostra* (12) à naturâ primitus sunt elaborata: quorum  
fistulæ, nunc, maximam partem, succo petricoso sunt repletæ. Tab. I. (12)  
fig. 1. 3. 10. 12. Tab. II. fig. 12. 13. 9. 21.

## §. XXXI.

Structura quarundam fistularum corallinarum repræsentat *jubar  
stellatum*.

Neque *nostræ*, (13) hoc *jubar*, in locis quamvis squalidis, penitus (13)  
amiserunt. Stellæ enim majores, minores in illis conspiciuntur. Tab. I.  
fig. 7. 14. 15. Tab. II. fig. 5. 13. 14. Tab. III. fig. 2. 3. 4.

## §. XXXII.

Coralliorum quorundam marinorum species *constructis & collate-  
raliter adunitis fistulis* inveniuntur.

Ita quoque (14) se quamplurima habent *fossilia*, quod *non ob- (14)*  
*scurus naturæ ac originis corallinæ character* est. Tab. I. fig. 1. 3. 10.  
Tab. II. fig. 1. 2. 8. 9. 15. 16. Tab. III. fig. 3. 4.

## §. XXXIII.

Quædam corallia marina sunt *globosa, gibbosa*, die wie Kugeln,  
Höcker, dicke Schwämme &c. aussehen.

Has quoque species (15) videmus *fossiles*. Tab. I. fig. 1. 3. 7. 10. 11. (15)  
Tab. II. fig. 6. 7.

## §. XXXIV.

Quædam marinorum species *ductibus erroneis* &c. est instructa, ut *Batu Parudan* Indis dicta.

- (16) Hanc quoque speciem (16) Silesia nobis obtulit *fossilem*. Tabulæ I, fig. 11.

## §. XXXV.

Quædam marinorum species sunt *placenti-formes seu pressæ*.

- (17) Hæ quoque species (17) è *stratis terreis* depromuntur. Tab. I, fig. 14-17, Tab. II, fig. 8. 9. 15. 16.

## §. XXXVI.

Quædam globosæ *marinorum* species sunt *fistulis s. tubulis* instructæ.

- (18) Hæ fistulæ (18) itidem apparent in *fossilibus globosis*. Tabul. I. fig. 1. 3. 10. Tab. II, fig. 8. 9.

## §. XXXVII.

Quædam marinorum species est *mitriformis*. Vid. Relat. Indic.

- (19) Hanc *fossilium* speciem (19) exhibet fig. 3. & 7. Tab. I.

## §. XXXIIX.

Quædam species marina ostendit *fistulas ad certam profunditatem excavatas*.

- (20) Et hanc speciem de *complexu profundo*, (20) *ad superficiem terræ rapuit cataclysmus*, Tab. I, fig. 7. 12. 13. Tab. II, fig. 5. n. 12, 13. Tab. III, fig. 2.

## §. XXXIX.

Inquiramus insuper in *interiorem structuram*. Marina quamplurima sunt *spongiosa*.

- (21) Hanc quoque *spongiositatem* (21) in nonnullis *fossilibus* conspiciamus. Succus enim petricosus, vel si mavis, crystallinus, cui nihil non pervium, quædam corallia *fossilia intacta* reliquit. Hoc testatur Tab. I. fig. 12. 13. Facies externa f. 12. tubulosam structuram clarè monstrat. Verùm habitudo *interna* fig. 13. postquam dissecui hoc *fossile*, *cancellatam ac reticulatam spongiositatem* manifestè testatur. Hanc internam structuram crebrius reperimus in *fossilibus generis dendrici*. Tab. I. fig.



fig. 14, 15, 16. Tab. II. fig. 5. Potissimum Tab. II. fig. 12, 13. *internam structuram concavam*, ore hiantē deprædicat.

## §. XL.

Adesdum *Archeista*. Crea noviter naturam subterraneam. Manda insigniri amplissimo nomine: *Corallio-litho-dendrico-geneticam*. Adesdum *Iconomystes*. Fac juramentum credulitatis in tuæ phantasiæ ludibria. Enumera mulierculas infantigeras, Apollines Musis circumdatos. Sed *desine pro opere naturæ mimulæ hæc fossilia* venditare, quæ notas corallinas sat conspicuas tibi generosè obvertunt. Impossibile est, & si darentur lusus, his annumerari posse nostra fossilia, tot specierum, & quæ & *internam & externam structuram*, aliasque proprietates *exactissimè* referant.

## §. XLI.

Pro origine ac naturâ corallinâ non leve argumentum, quamvis extrinsecum, est, quod nostra corallia *fossilia* (22) *pro diversorio agnoscant strata super strata materie mari propria, fluctuatim superinfecta*. Sed de his fusius cap. VII. agam. (22)

## §. XLII.

Ejusdem valoris argumentum extrinsecum est, (23) reperiri corallia *fossilia inter fossilia originis marinæ sociâ*, idem experta *factum* diluvianum. Non unum vel alterum, sed quamplurima marina admixta sunt. *Non incertæ dubiæque fidei, sed vera ac genuina marina*, Ippis ac tonforibus notâ & ~~verbis~~ ab experientissimis Physicis *pro veris agnita*. Tot species conchyliorum, murices, turbines, ostreæ, Antalia, Nautili, Echini marini, articuli stellarum marinarum, dentes lamiarum, mandibulæ, vertebræ, scapulæ aliaque ossa crocodili marini. Dubitas? Ad manus sunt, & *conspicui tuo prostabunt*. Credas, Lector ingenuè, conchyliâ ex arenofodinis, ubi & corallia sunt depromta, monstravi Ludionibus, etiam pertinacioribus. Viderunt. Ilico pro veris agnoverunt. Mirati sunt. Vix tamen crediderunt ex arenofodinis, quin potius ex ipsissimo mari esse. Tandem moniti de veritate, imo ipsi accedentes sedem horum submersorum, ac eruentes (23)



talia manu propriâ, utrâque manu herbam prærexerunt. Adeo claruit tot fossilium origo ac natura, ex structura s. caractere ferè indelebili.

## §. XLIII.

(24)

Superpondii loco esto, (24) reperiri quoque marina ut videntur, vegetabilia, *plurè incognita*, quæ in terrestria referri recusant. Tab. III. fig. 8. 9. 10. Conf. Cap. III. §. 48. 49.

## Cap. VI.

*De origine ac naturâ lapidis cornei corallinâ.*

## §. I.

Priusquam hoc caput aggrediar, meam ignorantiam, quâ tenebar, antea, confiteri cogor, non equidem invitus, ne videar invidus.

## §. II.

Cum primum & hos lapides manu menteque movebam, mirabar *frustulatim omnes* inveniri, etiam in stratis *nunquam adapertis vel disruptis*. Structura enim docebat, illos olim fuisse corpora *solida*. Sed quale totum? cujus originis? soli vel soli? hariolari non poteram. Per aliquod tempus plus quam in bivio hærebam. Tandem truncus Tab. IV. fig. 5. delineatus, post alter Tab. IV. fig. 7. ad manus perveniebant. Augurabar subito *analogon quodpiam* corallii. Meditationibus *posterioribus* confirmabar. Paulo post, me ad conchylia, Entalia, Glossopetras sic dictas, &c. attento, sese exponebat Pyrites s. lapis *corneus concavus*, fig. 1. Tab. IV. designatus, cui, ut mihi videbatur, pulvis calcarius de-fluebat. Abjiciebam primùm, tanquam rem nullius precii & æstimmii. Verùm reminiscendo, vidisse me *præminentias quasdam*, ilico repe-tebam. Purgabam adhalando. Visûs debilitati succurrebam armaturâ. Corallia *deliciora* (flores corallinos dixerim) *ramosa, gyrata, punctata, reticulata, foliacea*, non unius speciei inveniebam mirabundus. His probè pensitatis non potui non in lectâ perseverare sententiâ. Colligebam plura,

con-



conferebam inter se & cum marinis. Idem docebant. Nunc audeo asserere. *Hanc Pyritæ speciem s. lapidem corneum nihil aliud esse, quam corallion antediluvianum.*

§. III.

In spem adducor, etiam Lectorem admissis rationibus sequentibus in hanc quoque sententiam abiturum esse.

§. IV.

Nimis copiosus fui cap. V. in collatione coralliorum fossilium cum marinis in genere. Nec tamen facti me pœnitet. Hôc enim capite, sine obscuritate me breviorē esse licet, cum illa, quæ dixi antea, Lectoris animum *preparaverint, ut eò citius percipiat, quæ de lapidis cornei origine ac naturâ* sum disserturus.

§. V.

Ante omnia pensitanda est *structura*, tum *externa*, tum *interna*, reperiunda in lapide corneo *non aliter*, ac in corallis *marinis*.

En ! *truncum*. Tab. IV. fig. 5. 6.

*Ramos*, Tab. IV. fig. 1. 2. 46. Tab. V. fig. 8. 9. 10. 11. 12. 13. 14. 15.

*Ramos truncatos*. Tab. IV. fig. 8. Tab. V. fig. 8. 9. 10. &c.

*Crustam albidam*. Tab. IV. fig. 5. 7.

*Cavitatem in præruptis ramis calcariam*. Tab. IV. fig. 5.

*Residentia corallia* in lapide corneo, *tanquam matrice*. Tabulæ IV. fig. 1. 2. 3. 4. 20. 21. Tab. V. fig. 8 - 15.

§. VI.

Videmus corallia

*Placenti-formia ac reticulata*. Tab. IV. fig. 3. 9. Tab. V. fig. 15.

*Fruticiformia*. Tab. IV. fig. 1. 4. 6.

*Globosa*. Tab. IV. fig. 8. Dum hæc transcribo, adfertur frustum lapidis cornei, in quo globulum *spongiosum*, *sublustrem* vel quodammodo *diaphanum* conspicio.

§. VII.

Dantur

*Ramuli punctati*, Tab. IV. fig. 4. Tab. V. fig. 9. 12. 13. 16.

*Porosi.* Tab. IV. fig. 2. 3. &c. Tab. V. fig. 14. 15. &c.

*Striati.* Tab. IV. fig. 7. Tab. V. fig. 8. 10. 11.

*Gyrati.* Tab. V. fig. 12. 14. 15.

Imo nihil desiderari potest in *marinis*, quod lapis corneus non exhibeat.

### §. VIII.

Audivimus Cap. II. §. 14. num. 5. Corallia marina in calcem abire. Sanè & hæc affectio *itidem* reperitur in lapide corneo, quamvis durissimo. Conf. §. 2. hujus capituli. & §. 25. capituli IV.

### §. IX.

Gravissimum argumentum pro origine ac naturâ corallinâ est *mollities originalis*. Mollia primitus esse omnia corallia marina demonstravimus cap. II. §. 21. 22. Hanc quoque lapidis cornei mollitiem facillimè probabimus. *Circumvestita* enim sunt lapide corneo, olim molli, *animalia marina*, illorumque *exuvie infarcitæ quasi*, eoque repletae conspiciuntur.

### §. X.

*Echini marini* (pro statu præsentis, *Echinite* dicti) *reperiuntur in lapide corneo.* Tab. IV. fig. 15. Tab. V. fig. 1.

Reperiuntur *aculei echinini* in illo. Tab. IV. fig. 6.

Reperiuntur *impressiones exuviarum echininarum.* Tab. IV. fig. 10-14. 17. Tab. V. fig. 4-7.

Reperiuntur *impressiones concharum marinarum.* Tabulæ IV. fig. 18. Tab. V. fig. 22.

Reperiuntur *impressiones articulorum stella marini* in hoc lapide. Tab. IV. fig. 19. Tab. V. fig. 18.

Quid? quod etiam *Belemnites*, sine dubio particula animalis cujusdam marini, *reperiatur.* Tab. IV. fig. 19.

Ut & *impressiones lapidis judaici.* Tab. V. fig. 20.

Hæc omnia lapidem hunc corneum *intrare vel in illo generari minime potuerunt.* Certo ergo certius est, animalia hæc, vel potius illorum reliquias corallio hoc *crescibili seu propullulante coopertas & præclusas* fuisse.

### §. XI.



## §. XI.

Audivimus quoque cap. II. §. 4. *maris fossam seu domicilium stratis corallinis tanquam pavimento undiquaque obductum, imò strata super strata superimposita esse.* Inde quoque constat in illâ catastrophe stupendâ Erebum s. Abyssum non tantum *concredita evomuisse*, sed etiam ipsa hæc *pavimenta* ingentia, densissima ac latissima, maximam partem, diffiluisse, *simulque in superficiem terræ* translocata fuisse. Nemo ergo mirabitur, cum fragmenta lapidis cornei *majora*, minora, in superficie terræ longe lateque disseminata, sed etiam *intra terram in stratis Angliæ ac Westphaliæ cretaceis ac argillaceis integri fere parietes* inveniuntur.

## §. XII.

Nec levioris ponderis argumentum est pro *origine marinâ, comitatus marinus*. In nostris enim arenofodinis lapis noster *mille marinis*, conchyliis rarioribus, antaliis, Asteriis, Belemnitis, Lapidibus judaicis &c. stipatus conspicitur. Noscitur ergo *ex socio*, imo ex se ipso originis marini ac naturæ corallinæ esse. Hæc sufficiant.

## Cap. VII.

*De sede seu loco deprehensionis coralliorum fossilium.*

## §. I.

Caput insequens, de *viâ ac vi*, quâ corallia nostra in has regiones mediterraneas ac montosas pervenerint, nos movet, ut de *sede ac loco deprehensionis prius ac curatius* differamus. Hoc enim methodus *naturæ* requirit.

## §. II.

Corallia nostra, maximam partem, sunt vel *Silesiaca*, vel *Querfurtensia*, vel *Lipsiensia*. De aliis enim non tenebor rationem reddere. Nihil enim sum asserturus, nisi quod ego, vel *autoptes* viderim, vel *fide dignis* relationibus confirmari possit. A Lipsiensibus exordiar.

## §. III.



## §. III.

Ager *Lipsiensis* fere planus ac diversis fluviis, Giselâ, Elestro ac Bahrâ intersectus. Nec tamen *collibus* amœnis destitutus, qui *extravasationes prædictorum fluviorum rideant*. Ipsa agri superficies *arenosa* magis, quam *limosa* est, nisi in locis pressioribus. De hoc tractu consului Dn. *Mylium*, qui sequentibus me informavit: Der Ort, wo die Corallen (conf. supra cap. III. §. 9.) gefunden worden, ist allzu hoch gelegen, also, daß ihn Special-Fluten nicht übersteigen können. Und wo dergleichen sich ja ereignet hätten, müste man solches nicht der Pleisse, Elster und Bahra, sondern der Mulda und Elbe zuschreiben. Allein diese sind sehr weit von Leipzig entlegen, würden auch schwerlich Corallen, Asterien und andere Marina mit sich geführt haben. Vielmehr ist vermuthlich, daß etwa vor der Sündflut hierum eine See, auch diese Pflanze bewohnt gewesen, weil man bey Ausföhrung der Keller, in dieser Stadt, dann und wann 5. bis 6. Lachtern tieff Säune in Sand-Bäncken angetroffen. Ja, als man die Börse aufgebauet, hat man im Grunde eine unverwelckte grüne Artischocke angetroffen, welche auch noch auf E. Hoch, Edl. Raths der Stadt Leipzig Bibliothec gezeigt wird.

## §. IV.

*Arenofodinam* Lipsiensem ipse adii, quæ sanè ex *illuviebus particularibus ortum minimè traxit*, ut autopsia docet. Mirè variat *stratis supra strata fluctuatim sibi invicem superimpositis*.

## §. V.

Dum hunc agrum cogito, recordor illorum, quæ Dn. *Ramazza- ni ex Diario Italico D. Montfaucon de situ Mutinensi* refert. A soli superficie, *inquit*, usque ad pedes quatuordecim circiter non nisi cæmenta & *antiquæ urbis vestigia* apparent, in tali enim profunditate *viarum* strata ex siliceo lapide, *artificum tabernæ*, fundamenta *adium* & opera *tessalata* passim observantur. In quo certe admirari subit, quomodo ad tantam *altitudinem solum excreverit*? Quod, profectò, in id refer-



ri nequit, quod urbs ista pluries funditus everſa fuerit, & poſtea ſuper proprias ruinas reſtaurata, editiorem ſitum acquiſiverit, *eandem enim planitiem & æqualitatem præferunt circumſtantes agri*, imo urbs ipſa *iisdem aliquando preſſior* apparet. Poſt cæmenta ac rudera, terra ſe prodit ſatis *ſolida & compacta*, ut *terram virgineam* quis crederet, & non multo poſt *nigra & paluſoſa* viſitur, *paluſtri arundine* referta. Memini me in uno ex his puteis ad pedum 24. profunditatem *culmen frumentaceum adhuc integrum* obſervare, ac in altero in profunditate pedum 26. inventum *coryletum* cum ſuis *nucibus adhuc incorruptis*, ſic *alternatim* ad ſex pedes varia obſervatur ſoli mutatio, modo albi, modo nigri cum variarum *arborum ramis ac foliis*, quaſi lamellis ac foliis ſuperinductis, donec *ad planum cretaceum* deveniatur, quod in profunditate pedum 28. primò conſpicitur. Hoc, ubi operarii attigerint, jam ſecuri, ne amplius ab ullo aquæ affluxu perturbentur, foſſionem ſummâ cum facilitate ad imum uſque proſequeuntur. Huius ſtrati cretacei moles XI. ferè pedes ac identidem *multis cochlearum teſtis* referta: illius ergo finis eſt in profunditate pedum 39. Poſtmodum ſtratum aliud *paluſtre* duorum pedum circiter apparet, ex *juncis, plantarum foliis ac ramis* congeſtum. Ablato à foſſoribus hoc paluſtri ſtrato, ſtratum aliud *cretaceum* ejusdem ferè molis, ac ſuperius, ſeſe offert, cujus terminus eſt in profunditate pedum 52. quo ſtrato effoſſo, ruruſus ſtratum *aliud paluſoſum* priori haud diſſimile viſitur, quo ſemoto, denuo aliud ſtratum *cretaceum* ejusdem naturæ, ac ſuperiora, ſed minoris molis ac craſſitie, quàm reliqua duo, & ſuperincumbit alteri ſtrato *paluſtri*, quod tandem deſinit in ultimum illud planum, in quo terebra deſigitur, quod planè *molle eſt atque arenolum, multâque glareâ minutâ* permixtum ac *marinis quiſquiliis* aliquando refertum; huiusmodi autem ſtratificatio, his intervallis, tum *benè diſtincta in omnibus* puteis, tum intra urbis pomœria, quam in ſuburbanis locis, *conſtanti ordine ac lege* obſervatur. Cum ſæpiſſimè in magnos *plantarum truncos* fodiendo incidant, ut non rarò mihi videre contingit; hinc eſt, quod interdum non exigui laboris puteariis ſit ipſa terrebratio, quotieſcumque in huius-



modi truncos terebra impingat ; Argumentum evidens , solum illud aliquando aëri fuisse expositum ; nunquam tamen arborum truncos in stratis cretaceis observare contigit , sed in palustribus tantum &c. Referente Dn. Camerario, Med. Profess. Tubing. & Archiatro in Dissert. physico-med. p. 292.

## §. VI.

His erudimur non tantum ex inundationibus particularibus strata extitisse , sed etiam primitus è catholico illo diluvio. Quis enim non videt infima strata quisquiliis marinis referta ad diluvium referri debere. Ita quoque comparatum esse cum agro Lipsiensi, Dubiensi, Meuselvicensi & aliis Misnicis ac Thuringiacis, planioribus ac pressioribus, autumo.

## §. VII.

Verum enim verò ager Quersfurtensis longè aliter sese habet, editior est, nullisque fluviis irriguus. Sitit & nullâ aliâ, nisi pluviam aquam reficitur. Rivulus, Woyda dictus, interdum vix movendis molendinis sufficit. Præminent strata, quibus asservantur marina nostra, pedibus 40-100. Onestro fluvio circiter 300. Salæ 400. His quamvis largissimè effusis tanta tamen extravasatio minimè metuenda, quæ à litoribus ad sedem coralliorum fossilium, aliorumque merè marinorum pertingere possit.

## §. IIX.

Strata ipsa mire alternant & variant materiebus. Testis sit lapidicina Esperstadiensis, milliare distans à Quersfurt. Perpendiculariter prostat autopsiæ. Primo aspectu, imò fugitivo apprehendimus, ex sedimento turbidi cujusdam fluidi strata illius traxisse origines. Domata superficies nunc ager est, (Garten- & Erde oder brauchbar Land) cui à Wandalis s. Venedis, aliisque populis urna sepulcrales olim sunt concreditæ, quæ nunc Lapidicidis sese ultro exponunt. Superius stratum limosum est, Letten & Leim, ac 10-18. ped. densum. Sub hoc marga subfusa lineâ continuâ, semipedalis densitatis, conspicitur. Medicam esse hanc margam, asseruit beatus Christianus Wolfius, Medic. Doctor ac Practicus Lipsiensis. Profundiora strata materiam alterant atque glare-



*glaream ac saburram, arenâ variâ variant.* Sub his stratum calcarium deprehenditur, *cementosum magis*, quam solidum. Tandem stratum *fissile*, propius ad Pseudo-marmor, vel Alabastritem subcœruleum accedens, & in illo *ossa animalium marinarum, in specie crocodili marini* reperiuntur. Confer, si libet, nostros diluviitestes, §. 131 - 135.

## §. IX.

In eodem tractu versus Septentrionem non procul ab oppidulo: *Scrappau* Comitatus Mansfeldensis, ad Quercetulum quodpiam, varia depromitur *arena*, quâ postea Pseudo-marmor s. Alabastrites lævigatur. Strata hæc *arenosa ac montana ad modum fluctuum sibi invicem incumbunt.* Longè latèque diffunduntur quamvis *fissuris montium, vallibus, fluviolo Woyda*, intercipientur. Observavi versus orientem prope *Deutschen-Thal*: versus meridiem prope *Klein-Eichstädt*: versus occasum prope *Leimbach und Gatterstädt*: versus Meridiem Occasum ac Septentrionem hæc strata Conchyliis variis intermixta reperi.

## §. X.

Miraberis, Lector curiose, *varietatem marinarum* repertorum in præfatâ arenofodinâ. Elargitur hæc Conchylia lævia, striata, gyrata, echinata, gryphata, dentata, serrata: *Murices, Turbines, Neritas, Entalia, Glossopetras, Lapides judaicos, Belemnitas, Alveolos, Echinitas, Asterias, Caryophyllos marinos, Oculos cancrorum*, imo diversissima alia marina *affabrè characterisata*, nec tamen omnia Physicis *satis cognita.* His intersunt *Hammitæ, Rogen-Steine* s. Ovaria piscium petrificata, quæ ad *centrum* usque lævigata *crustam, albumen ac vitellum* oculis exponunt. Quædam ovula magnitudinem granuli *papaverini* vix excedunt, tamen hæc omnia, *crusta scilicet, albumen ac vitellus* oculo armato prostant. Ex hac arenofodinâ, *maximam* partem, depromta sunt *corallia nostra*, unâ cum *lapidibus cornuis*, ut & illud incognitum Tab. III. fig. 5. aliaque quamplurima.



## §. XI.

Strata *Kuckunburgensia*, nobis viciniora, ferè 100. pedes à valle versus aërem assurgunt. Et hæc *variant materiâ* ac *materiarum affectio-* nibus. *Saxosa quidem sunt omnia*, partim fragibilia, partim marmo- reæ duritie. Continent *Nautilitas diversarum specierum*, *Conchitas* læves ac striatos, oblongos ac subrotundos, *Asterias*, interdum quo- que *Dentes*, imprimis *curvos pernigros ac striatos*, &c.

## §. XII.

*Weidenbach* haud ita procul à Kuckenburg ac Querfurt. ad viam Mœrsburgensem ac Lipsiensem è stratis petricos, paucâ terrâ investitis Conchylia striata elegantissima, *Asterias* elargitur, numero innumero. Dn. *Iac. Leupold Mathem. Lipsiensis*, primus observavit, primusque scri- pto publico illustravit Dn. *Gottlieb Fridric. Mylius*, in *Memorabilibu Sax. subterr. Part. I. Relat. IX. p. 65. ubi multa simul ac erudita Lector in-* veniet, quæ studio lithographico inserviunt. Illorum instinctu & me postea, horis subcisivis huic applicui studio.

## §. XII.

Versus Libanotum, Sud-Osten, in agris eminentioribus colligun- tur lapides cornei, *rarioris sæpe commatis*. Versus Austrum in stratis calcariis non ita procul à *Vizenburg ac Nebrâ Conchitæ ac Turbinatæ*: Versus Notolybium, Sud-West, conchylia delicatiora ex arenofodinis, in omnibus consimilia Scraplaviensibus, eruuntur. Versus Favonium West-Wind, in superiori strato arenoso prope *Gatterstädt* eadem con- chylia, sed rarò, inveniuntur. Ante tres annos circiter Dn. *D. Ioh. Georg Engelschall, Physicus Quersf. ac Chymicus* experient. Iutræ maxillam ibi- dem acquisivit, donoque mihi concessit. In inferioribus stratis Gatter- städensibus saxi arenosi flavidi *Nautilitæ, Turbinatæ* aliæque marina eruuntur, nec minus versus aquilonem, Nord-West, ad pagum *Farn- städt* eadem in iisdem stratis. Nec silentio involvam, ante quatuor, & quod excurrit, annos, *totum uri skeleton*, ut ex *cornubus* videre licuit, è fissurâ montis cujusdam, *Wasserschluft*, fuisse extractum à rustico. *Dimidiam cornu partem & hodiè asservo.*

## §. XIV.



## §. XIV.

*Urbi* nunc appropinquemus. Ad *castellum* versus *Notolybium*, *Süd-West*, ac *Favonium*, *West-Wind*, stratum *superius* intervit operariis calcariis, continens *conchitas leviter striatos*, interdum quoque *ossa*. Sub hoc strato latet *arenosum, sed firmissimum cochlitis ac conchylis undiquaque refertum*. Hi & alii non raro sunt *exesi*, & ut ochra prodit, succo martiali. Hæc inter inveniuntur *incognita* Tab. III. f. 8. 9. 10. *Asteria* innumeræ. Interdum *Nautilia* ac *Ichthyospondili*, interdum quoque *Litbobibia*. Conf. Diluvii testes p. 162.

## §. XV.

Intremus tandem *ipsam urbem*, isti superstructam *strato calcario*. Hoc *declive* est, versus *Cæciam*, *Nord-Ost*, pertendit, & prope *Esperstædt*, uti supra memoratum, in *imis* definit. Hoc & alia *intra urbem* strata, ut putearii nos docent, *alternant materiebus, per modum turbidi fluidi superinfectis, nunc induratis*. Strata superiora ansam dederunt concinnandi tractatulum: *Rudera diluvii testes*, quem, si placet, adeat Lector, imprimis Tab. XXIII. num. 4. 5. Tab. X. num. 2 - 5. Tab. XXVI.

## §. XVI.

Ex his elucescit *totam regionem Querfurtensem ac vicinam, altissimam quamvis, ex sedimento turbidi-fluidi ortam, continentem quoque corallia nostra fossilia*.

## §. XVII.

Ad strata *Masselensia* principatûs *Olsnerfis* in *Silesiâ* quod attinet, ore alieno, sed *fide dignissimo* eloquar. Plurimum - Rev. Dn. *Leonb. David Herrmann*, Past. apud Massel. prim. Vir & animo ac manu solers, perlectis diluvii testibus ita testatur autoptes: Ich freue mich, daß ich bey meinem besitzenden Vorrath von eben dergleichen Rudern eine solche angenehme und vergnügliche Nachricht bekommen, durch welche ich gleichfals die Überbleibsal, Zeichen und Zeugen der Sünd-Fluth meines Orts nützlich betrachtet. So viel nach diser methode eine genauere Inquisition in Wassergraben (ex



quâ corallia fossilia aliaque marina, olim submersa, Dn. *Herrmann Lynceis collegit oculis*) angestellt habe, wird das Masselische Revier mit dem Quersfurtischen eines seyn. Gluten sind auch hier zu vermuthen. Strata, Erd-Schlamm-Leim-und Stein-Bäncke vorhanden. Schnecken und Muscheln mit ihren Egen (unâ cum ovariis) nebst abwechselnden Gestalten sind in unbeschreiblicher Menge, groß und klein zu sehen, 2c. Masselograph. Part. II. c. VI. §. 5. p. 205. sq. *Eadem ergo strata diluviana ultra agnoscit autor eruditissimus.*

## §. XII.

Idem testatur Vir acerrimi judicii, Dn. D. *Georg. Anton. Volckmann*, Medicus Lignicensis experientissimus diversis ad me datis literis. Confer Cap. IIX. §. 31.

## §. XIX.

Quemadmodum autem nostra marina fossilia in *aliis quoque mundi partibus* reperiuntur, nemo me ambagum accuset, hoc addentem: Dn. *Woodvardum Anglum* in Geographiâ physica testari per universum mundum *eandem ferè stratificationem* inveniri: Et quamvis Dn. D. *Camerarius*, Medicinæ Prof. Tubing. Ordin. & Archiat. Würtenb. Dissertat. epist. XVI. p. 280. sqq. circa hoc assertum Woodwardianum, non sine fundamento, *quedam moneat*, hanc tamen animadversionem *non ἀπλῶς, sed κατὰ τὴν* admittendam esse, puto. Tyrannis enim Diluvii *aliam*, quam stratificationem *sedatam* & *ubivis equallem* credamus svadet. Conf. cap. sequ. §. Multa de his stratis *erudita* commentatus est Maxime - Rev. Dn. D. *Ioh. Wilh. Beyer*, in Altdorfinâ Theologiæ Prof. celeberr. *id hoc studio diluviano præstans apud Germanos, quod Dn. Ioh. Rajus ac Dn. Woodward in Angliâ, in Helvetiâ verò D. Ioh. Iac. Scheuchzer præstiterunt.*

*Beyer.* in eruditissimâ dissert. de monumentis diluvii §. 1. p. 3.

## §. XX.

Unicum adhuc adjiciam: Medicum quendam, è *Pensylvaniâ* *reducem*, sanctè nuper testatum fuisse *idem de stratis Americanis*, *offa* quo.



quoque & arbores continentibus. Non aliter quoque comparata strata regionum *Asie Malabarensium* esse confirmant reliquia diluviana in illis reperiunda. Non ita pridem Dn. *Missionarii Danici ex Tranquebar* varios paguros transmiserunt, quorum unum museolo meo concessit *orphanotrophium Hallense*, planè eundem, si quantitatem exceperis, cum *Paguro Amboynico* petrefacto *Rumphii*. *Thesaur. imag. pisc. cochlear. &c.* Tab. LX. num. 3.

§. XXI.

Neque hoc reticendum, quod nobilissimus ac politissimus Dn. *Mich. Reinhold Rosinus*, *Mündensis Hanoveranus*, me non ita pridem peramanter salutans, de *Stratis Hassiacis tractûs Teutensis*, non procul à *Cassellis*, *autoptes* commemoravit. Superficies montosa ac limosa est supervestiens stratum petricosum albidum conchyliis contusis ac laceris refertum. Sub hâc arena flavida reperitur, compluria conchylia, aliaque marina, etiam crustacea, in specie echinos marinos delicatiores, dentes *Carchariæ* seu *Lamiæ*, vulgò *Glossopetras*, nec non *Corallia subrubra* exhibens, contegensque simul ex eodem eluvionis fato aliud stratum fabulosum conchyliis diversæ magnitudinis commixtum. Infra hoc, in saxo martiali, vulgò *Braunstein*, echini marini aliaque marina, tandem idem saxum, sed solidius ac sine marinis, inveniuntur.

§. XXII.

Ex his omnibus constat, coralliorum nostrorum, imò aliorum fati hujus sociorum, locum deprehensionis non esse terram creatam primam, *paradisiacam s. virginiam*, sed ex sedimento fluidi turbidi ortam, disruptam, ac pessundatam.

Cap. IIX.

*De viâ ac vi, quâ pervenerunt corallia hæc fossilia in nostras regiones ab oceano remotissimas ac montosas.*

§. I.

*Via ac vis, quâ pervenerunt corallia in nostras regiones, precedentibus capitibus satis superque indicata est, diluvium nempe quoddam catholicum ea huc detulisse.*

§. II.



## §. II.

Verum contra *negantes* , *necessitas* urget , ut *solidis rationibus* *demonstretur* , hanc viam esse & *veram* & *unicam*. Vix est credibile , quam larga sit *Scepticorum* seges , qui *ridendo* horrent hæc *sat conspiciua* cataclysmi *catholici effecta* , *Tros Rutulus* , imò qui *fidem* dedere *S. Scripturis*. Verentur enim , ne admissio hoc diluvio divinitus immisso , *in simul* iustitiam vindicem , in scepticismum aliquando animadvertentem , confiteri teneantur. Quos ad vivum delineavit Petrus , II. Ep. cap. III , 3-7. Ast enim , ne Moyse vel sibi contradicere videantur , *mirè* & *mentem* & *mentum contorquent*. Maxima pars *Deum* , *natura Directorem* , pro *Ludione* magis , quam *iudice antediluvianorum ante-diluvianorum* Scepticorum audacissime habent. Math. XXIV , 37. sqq. Sed his & aliis crasioribus I. capite satis responsum.

## §. III.

Quidam opinantur , *tertiâ* creationis die , cum separasset Conditor fluidum à solido , *remansisse* conchylia aliaque marina , imò consequenter terrestria , *in sedimento terre* nunc coagulato & partim petrificato. Verum *Moyse* , quem , deserto foro physico , Patronum causæ accersunt , *illos deserit*. Tacet enim non tantum *remansionem* illam , sed etiam aperte testatur : *Quartâ* demum die animalia marina : *Sextâ* verò terrestria fuisse creata. Quæ ergo fieri possit , *submergi prius tertîâ die* , *quam existere quartâ & sexta* ? Quid ? Quod assertores insuper alios persuadere conantur , *homines* , *ante Adamum* ab optimo creatore productos , & ab irato , *sine culpa* , in incunabulis suffocatos & consepultos fuisse. Sceleta enim humana reperiri inter fossilia experientia fuscè docet , & recenset Excell. Dn. D. *Ioh. Wilh. Beyer* in Dissert. *de fossilibus diluvii universi monumentis* , p. II. sqq.

## §. IV.

Alii & quidem *subtiliores* , *post principia* stant. Ajunt , negant. Confitentur submersorum naturam , vel animale vel vegetabilem , sed *submersionem ipsam* ex inundatione *inficiantur*. Hem ! ut desudant , ne hypothesei diluvianæ subscribere cogantur. *Mira obvertunt*

*miri.*



*miri.* Casus varios fingunt. Gurgites, terræ motus, migrationes & terræ & maris, & quid non? somniant & concionantur.

## §. V.

*Subtilissimi* verò Scepticorum, visis ex sedimento turbidi fluidi ortis stratis, confitentur quidem eluviones, sed *particulares*, Ogygis, Deucalionis, Ægyptiacam, Chinensem, Mexicanam, Cymbricam, &c. Audiamus omnes.

## §. VI.

Quidam illorum hæc corallia, aliaque marina *humanâ forsan manu allata, posteaque abjecta vel defossa esse perhibent.* Ast fumum vendunt (1) Tot corallia (2) tot specierum (3) per omnem mundum quasi sata (4) stratis saxosis infarcita (5) ab hominibus, qui nunquam mare petregrium: vel accolis maris, qui nunquam hæc regiones accesserunt, deportata & (6) conssepulta esse, quis credat?

## §. VII.

Alii autumant, *terræ motu hæc marina loco mota.* Neque hi motus nos movent, ut diluvium universale negemus. Reperiuntur enim nostra corallia (1) per tot regiones diffusas (2) in stratis continuis ac parallelis (3) nunquam disruptis vel fissis (4) nulloque motu, ne tremore quidem, tactis, (5) à mari natali quàm longissimè remotis. Judæus ergo Apella credat, motuum effectus ita esse comparatos, ut (6) nimirum in lineâ *parallelâ ordinent, locent, & solis marinis marina, secretis & ab actis alienis, jungant,* imò (7) ex imâ abyssu rapiant ac trajiciant.

## §. IIX.

Miri sunt quoque, qui *ascensum marinorum per gurgites subterraneos* meditantur. Ita enim eructata esse planè impossibile est. Gurgites enim (1) tanti effectûs non sunt. In speluncas quidem se interdum exonerant, non in montana, ad aërem, neque (2) intra strata saxosa, durissima ac contigua: (3) in lineâ horizontali (4) per omnem mundum &c.

## §. IX.

Nec desunt augurantes, inde deduci posse, quod *maria non rarò situm mutant locaque possessa relinquunt, aliaque occupent.* Verum & hoc augurium fallit. Fateor equidem, has mutationes accidere *locis mari-*



*timis*, Græciæ, Italiæ, Angliæ, Galliæ, Belgio, Sveciæ, Norvvegiæ &c. Nec diffiteor in ipso oceano *novas saepe exurgere insulas, montes &c.* nec invitus concedo, maria absorbere littora & exspuere raptas terras in alia vicina loca, &c. Nemo tamen me adducet, ut credam, *talem mutationem unquam passos fuisse nostros tractus* (1) altissimos, (2) ab oceano remotissimos, (3) saxosos. Freta ac promontoria *petricosa* rident insultus aquarum tyrannicos, nec cedunt. Quî ergo hæc mutatio marina his locis, v. g. montosis, *Gif-busano, Enzelio, Finicis Turingia Thuringische Ost-Gebürge, Sinne, Senne genant*, in saxum firmissimum consolidatis accidere potuisset? Quid dicam de Riphæis?

## §. X.

Aries quoque arenosus est, quo nostram sententiam destruire fatagunt illi, qui de *corallis nostris fossilibus in specie* perhibent, *saxeæ esse indolis, & non secus, ac in saxis marinis pelagitt produci posse.* Non enim habent, quod volunt. (1) Nullibi conspiciuntur affixa lapidi, quin potius, (2) in arenâ (3) *inter conchyliâ nunquam in stratis subterrestribus oriunda*, quibuscum corallia nostra *idem fatum diluvianum* experta sunt.

## §. XI.

In regiam magis inclinant ac tendunt dissentientes, qui *inundationibus transpecta quidem credunt, sed particularibus*, ut §. 4. audivimus. Ita est, *profectò, ut dicunt, nimirum per eluvionem esse transportata.* Reperiuntur enim

- (1) In stratis *materiei marine*, glaucosis, saburrosis.
- (2) In stratis, ut autopsia docet, *ex sedimento fluidi turbidi exortis.*
- (3) In stratis, ad modum aquarum, *fluctuatim* sibi invicem superimpositis.
- (4) Fossilia ipsa, cum creaturis *marinis* sunt annumeranda, ut character animalis ac vegetabilis abunde docet.
- (5) Hæcce fossilia, *olim pelagia*, non *supra-terrestres* creaturæ, sed *marinæ*: non indigenæ, sed peregrinæ, in peregrina loca comitantur:
- 6) *Marinæ* tot generum ac specierum. Conf. *Rajum, Luidium, Woodwardum, Scheuchzerum I. I. Beyerum, Mylium, Herrmannum & alios.*
- 7) Nullum aliud transportationis medium excogitari potest quam eluvio.

## §. XII.



## §. XII.

Verum enim verò & hi amici sententiæ inimici, *proximè* quidem à veritate *absunt*, sed *absunt*. Nulla diluvies specialis, quæcunque sit, hanc *universalem diffusionem tot marinorum* producere potuit, etiam si plures vel succedaneæ hac illâc asserantur. Loca enim eminentiora uno ore protestantur.

## §. XIII.

Nihil ergo reliquum est, quàm ut *diluvio* cuidam *catholico*, quo totus submersus & immutatus sit globus terraqueus, *tot mirabundos & vix credibiles effectus adscribamus*.

## §. XIV.


Equidem audio susurrari, totalem terræ immersionem esse *impossibilem*. Sed his, puto, satisfecerunt ingeniosissimus *Burnetius*, *Constantinus Groot*, *Woodwardus* & alii. Conferantur, si ad palatium, *Rudera nostra*, diluvii testes §. 36. sqq. Certè non *teneremur*, *possibilitatem cataclysmi catholici demonstrare*, cum rerum testimonia, *strata fluctuosa*, & in his *marina adsint*. Nugantur, qui *viso vulnere, ruinâ adium, cadavere*, *deposcunt demonstrationem possibilitatis*.

## §. XV.

Sanè *gentiles* cordatiores hoc diluvium *magis ex habitu terra* agnoverunt, quàm ex ore *Patrum* didicerunt. *Indus & Afer* una cum remotissimis *Americæ nationibus* idem confitentur ac profitentur.

*Groot*. de relig. Christian. cap. V. *Stillingsfloet* orig. sacr. lib. III. cap. IV. §. 8. *Woodwardi* Geograph. phys. p. 143. *Rudera diluvii* test. §. 22. p. 14.

## §. XVI.

Quid? Quod *Moyser*, testis Christianorum gravissimus *idem* asserat, à *dubiis Christianis vapulans*. Ita inquit divinus Historicus: *Rupti sunt fontes*  voraginis s. *abyssi magnæ*, aquarum scilicet sub *crustâ terræ*. Et *cataractæ cœli* sunt *apertæ* & fuit *pluvia*

super terram quadraginta dies & quadraginta noctes. Et invaluerunt aquæ & se multiplicaverunt valde super terram. - Et aquæ invaluerunt *valdevalde* super terram & cooperti sunt omnes montes excelsi, qui sub cœlo. Quindecim cubitis invaluerunt aquæ & operti sunt montes &c.

## §. XVII.

Quem cataclysmum *catholicum* unâ cum effectibus *ὡς ἐν συνόψει* sed *sufficientissimè* descripsit Magnif. D. Georg. Wolfgang Wedelius, Senior, sed *juvenescens*, nostrorum Medicorum non pater, sed *avus* ter venerandus, Academix Jenensis stella *primæ* magnitudinis.

Exercit. I. medico-philolog. sacro-prof. Decad. X. Cent. I. |

## §. XIX.

Communicabo hanc *cataclysmographiam*. Ita inquit *Wedelius*: Quod me attinet, non impossibile videtur, cadavera ejusmodi, vel ex ipsâ Affricâ, seu loco meridionali, provolvi potuisse in Europam.

Si enim concipiamus vim aquarum, sub gravioris saltem tempestatis insultum particularem, quid de universi orbis *tam diro paroxysmo* cogitabimus & poli utriusque *συνπάξει* gravissimâ.

Exhorreo, dum hæc cogito, cœlum terræ indixit bellum, globus terraqueus *rotus* submersus, continuatis procellis, rugientes ventorum globi, rapidissima nimborum volumina, summa exæstuantium aquarum præcipitia, dirissimi fluidorum assultus, montium & convallium fragosi fremitus, dirissimi mugitus barathrorum, *horsum vorsum disjecta omnia*, quam non, quæso, vim exeruerint? Vix concipi illud, vix satis efferri potest, nedum describi.

Credibile est, maximas fuisse exortas reciprocationes marium. Imo ne terra quidem potuit *firmare suum solum*, quin & desuper experta fuit *succussiones* illas, *eversa, disjecta, dirupta, quassata*, neque enim verba suppetunt satis ad exprimendum & pressione illa duplicata iratiætheris & rarefactarum, ebullientium, ferocientium aquarum motus intestinos in visceribus suis in centro quasi suo passa horridissimos, *summa imis, ima summis turbata, confusa, diruta universa*.

Cum



Cum ergo & sub miserrimâ illâ turbarum facie extra suos terminos *totus* terrarum orbis *quasi dimotus* sit, cur non potuerunt submersa & in abyssum præcipitata cadavera locum occupare illum insuetum? Cur non ex damno tanto etiam commoda in hoc quædam à resurgentis divinæ gratiæ radiis exoriri, ut & ipsa hæc ossa testentur post tot secula, velut historia viva quædam, deplorandi illius statûs reliquias? Hæc ille.

## §. XIX.

Idem testatur *Magnus Coringius* Jctus, vir in omni doctrinarum genere exercitatissimus in aureo tractatu de antiquo Helmstadii statu, quem adeat Lector.

## §. XX.

Et quid vetat, audito *Medico ac Jcto*, etiam *Theologum* autoritate pollentem, diluvianorum effectuum testem producere, testem simul physicum, nec *testimonium ejurantem*. Mihi autem temperare non potui, quin hoc fecerim propter *quosdam* clericos voce dictatoriâ *dictitantes lusus*, dissensum verò pro crimine majestatis *cathedralis* reputantes. Ideo scutatus incedam. Ades dum *Luthere*! Sis mihi panoplia contra tuos, quâ nomen, non *sententiam*: mihi tuo, quâ *sententiam*, non *solum nomen*.

## §. XXI.

Ita contestatur *Megalander*: *Post diluvium sunt montes, ubi antea agri* amœnâ planitie fuerunt. Ita quoque non est dubium, nunc esse fontes, ubi antea nulli fuerunt & contra. Tota enim terræ facies mutata est. Nec dubito, *Reliquias diluvii* esse, quod, ubi fodinæ metallicæ nunc sunt (arrigite aures, Ludiones!) ibi non raro reperiantur *ligna durata* in saxum. In ipsis saxis conspiciuntur formæ variæ *piscium & aliarum bestiarum*. Sic credo mare *mediterraneum ante diluvium non fuisse*, sed per diluvium ei factam viam hanc, in qua nunc consistit. Sic spacium rubri maris, sine dubio, *ante* fuit

fœcundus ager, & ut verisimile est, portio aliqua paradyfi. Sic reliqui sinus, Persicus, Arabicus &c. existunt ex *reliquiis diluvii*.

*Comment.* in Cap. II. Genes. Tom. VI. Wittenberg. Tom. verò IX, Alienburg. p. 47. a.

### §. XXII.

Hæcce tamen testimonia, imo ipsius Moysis (salvo respectu, quem debeo) *paulisper* seponamus in foro hœc *merè* physico, ne circuli vitiosi me incusent Sceptici.

### §. XXIII.

Certè & *sensualitas ac dictamen rectæ rationis pro catholicismo inundationis cujusdam* pugnant, quæquæ hæc sit, sive Noachica sive *alia*, cum tamen in Noachicâ omnes ferè convenient.

### §. XXIV.

(1) Accingamus ergo nos tandem ad stabiliendum assertum. (1) *Strata per universum mundum ex sedimento turbidi fluidi exorta sunt.* Per illam enim catastrophem *divinitus imperatam, ac via naturali productam*, supra-terrestria limosis ac aquosis, aquatilia terrestribus, animalia ac vegetabilia sabulone, terrâ, margâ commixta, involuta ac conssepulta, quæ postmodum coaluerunt in massam unam, succoque petricoso l. minerali repletam *in lapidem vel mineram abierunt.* Et *quamvis hæc strata variant*, tamen hæc variatio nihil aliud est, quam *fluctuatio, pressio, resurrectio stratorum, in testimonium diluviana tyrannidis*, de quibus fufius ac solidius in Physicâ diluvianâ, cum DEO ac die edendâ. Conf. Cap. VII. §. 5. fqq.

### §. XXV.

(2) *Per universum mundum (2) in ejusmodi stratis, potissimum elatioribus reperiuntur creature supra-terrestres indigenæ & peregrinæ, mixtæ interdum marinis, imo potissimam partem marinæ, marinæ exoticæ, exoticæ ac incognitæ.* Quisnam



nam ergo audeat hanc revolutionem terr- aquosam eluviebus *particularibus* ascribere? Conquiruntur, inquit, fidelissimus ac laboriosissimus naturæ mystes *Scheuchzerus*, in *omni terræ angulo*, magnâ diligentia horrendæ *illius catastrophes reliquiæ*. Integra inde formant musea non famâ duntaxat, sed *stemma quoque ac dignitatibus illustres*, in *omni Europâ* imo in *ipsis Indis*, Viri. Adeo copiosa prostat supellex, ut *se- ligere possint alii cochleas & conchas*: alii *pisces*, alii *plantas ac ligna*. (a) *Rumphius* in insula, *Amboyna*, quamplurima collegit diluviana, & ære communicavit. Tab. LVIII - LX. (b) Memini, ex illustri Viro, *Dn. ab Aveman, Serenissimi Ducis Saxo-Gothani Consiliario* me, ante aliquot annos, audivisse, experientissimum Belgii Magnatem, *D. Petrum Valkenier*, Legationibus & expeditionibus gravissimis, ut & studiis exquisitissimis celeberrimum, *collegisse reliquias diluvianas omnis generis ac locorum*, quod & Vir integerrimus *Dn. D. Scheuchzerus* in *Querelis* ac *Vindiciis piscium* contestatur. p. 24.

(a) *Herbar. diluvian. præfat.* (b) *Rumphii Amboynische Raritäten : Hammer.*

### §. XXVI.

Paguros petrificatos è regionibus *Asia Malabarensibus* advectos, supra audivimus. Ante annum, gratiâ *cujusdam Patroni*, massa arenosa in lapidem conversa conchyliis diversarum specierum undiquaque constipata meum museolum accessit, ex *intestinis Caucasi* eruta. Talem quoque *peregrè advectam* concessit *Dn. Augustus Carpzovius*, *J. Crus. Præfecturæ antehac Quernfortensis Præfectus* meritissimus. Imo *America* litat reliquias diluvianas, ut cap. VII. §. 22.

### §. XXVII.

Sed revertar ad *nostras* regiones montanas *nullâ, unquam*, quod probè notandum, *nisi pluviam aquâ* irriguas. Hem! Quot & quam varia offerunt marina. Vicina *Thuringia* scatet diluvianis reliquiis. *Misnia & comitatus Mansfeldensis*, conterminus, hæc undiquaque de-  
pro-

promunt. *Saxonia inferior, Hassia, Franconia, Bohemia, Silesia* eadem elargiuntur. Nemo, cui mens sana in corpore sano, hanc disseminationem, extravasationi marium *particulari* adjudicare audebit.

## §. XXIX.

- (3) Nec leve pro universalitate diluvii argumentum esse puto (3) *tam varia genera ac species arborum, herbarum, animalium, tum terrestrium, tum aquatiliū reperiri.* Non omnia fert omnis tellus ac mare. Quâ viâ ergo in nostra montana pervenerunt, quæ sibi *solum* vindicat *extrema Asia ac America, nisi vehiculo universali?* Noster angulus *plusquam sexaginta marinorum, marinorum* dico, *species* nobis concessit. Novæ mihi vel *soli* colligenti, & per manus potissimum *mercenarias* non raro se offerunt species. Quid, si alii hic vel alibi colligerent, *otiosiores, curiosiores ac peritiores?* Legat, qui dubitat, *Lithophylacium Britannicum Luidii & numerum* mirabitur. Si hæcce ex inundatione *particulari* devecta fuissent, *tot ac tam varia exotica non reperirentur.*

## §. XXIX.

- (4) Et quod *majoris* momenti est, (4) *in nostris regionibus eruuntur marina, non tantum peregrina, sed etiam peregrina incognita.* Probè notandum, Echinorum ac Nautilorum *species* reperiri, teste Luidio, in Angliâ, quæ *neque industria, neque audacia urinatorum, neque casu quodam* ad oculos nostros pervenire possunt. Idem quoque de nostris regionibus dicendum. Plus quam *viginti species nautilorum* aliorumque *conchyliorum* è nostris Lapidicinis ac arenofodinis effodiuntur, cum tamen *vix quatuor vel quinque species* marinorum hodie è mari immediatè de promptæ appareant. Dum hæc scribo, filius natus minor ex arenofodinâ vicinâ *rarissimum* offert *fossile* Tab. III. n. 7. delineatum, idem *cum illo, quod* Dn. D. Scheuchzerus ære communicavit,



nicavit, Lithograph. Helv. num. 88. & particulam *piscis Raja* fuisse autumat. *Rara* quoque marina, ut credo, *vegetabilia* Tab. III. f. 9. 10. designata: *rara* Tabulâ III. fig. 6. Vegetabilia esse, svadet structura: marina esse, comitatus omnino marinus. *Rara*, quia nemo Physicorum, quibuscum communicavi, quid & quale sit? dicere audeat. Ita quoque comparatum est cum *fossili* Tab. III. fig. 5. depicto. In stratis nostris calcariis ossa *trium specierum* animalium marinarum reperiuntur. Sed *due species latent* Zoologos. Tertia habetur pro *codilo* marino Dn. D. *Speneri*. Quamplurima insuper fossilia eleganter characterisata collegi, quæ *nostrum ferè scire* transcendunt. Quoties arenofodinas frequentavi, toties ferè *aliquid novi ac insoliti vel rarioris notæ* inter marina, nota, reperi. *Hæc marina marinis, marina peregrinis, peregrina incognitis conglomeratione quasi, à nulla alia quàm diluvio universali transvehi potuerunt.* Plura tamen in Physica diluvianâ, DEO juvante, edendâ enarrabo.

## §. XXX.

Hæc in genere de fossilibus, olim marinis. Nunc in specie de *coralliis*. Planè impossibile est particularem, *quæque sit* corallia, quæ *Asia ac America natales unicè debent*, (5) huc transportasse *potissimum lapides corneos ponderosos*. Conf. *Scheuchz. Querel. ac Vindic. piscium* p. 32. (5)

## §. XXXI.

Testis omni exceptione major est. (6) *altitudo loci*, quo deprehenduntur corallia nostra aliaque marina. Non in ripis nostris ac locis pressioribus, *sed in editioribus inveniuntur, qua nulla extravasatio aquarum particularis attingere, multo minus transcendere unquam potuit.* *M* Halâ Saxonum, ac alluente Salâ *Querfurtum* tria milliaria german: distat. Verùm quantum ex aquarum molendinis inservientium *decursu ac dimensionibus, Mühlgefällen*, judico, *vix ducentæ ulnæ*. 400. pedes *sufficerent altitudini.* Dic, fodes, (6)



quomodo mare longè pressius, quinquaginta circiter milliaria à nobis distans, imo americanum & Asiaticum, alvum exonerare & hæc marina in nostra montana, lineâ parallelâ trahere potuerit. Ascende nostrum Küßbusinum Küßhäusser-Berg, lignum fossile duritiei adamantinæ exhibens. Videbis, quatuor vel quinque Oceanos in omnem mundum insimul effusos, non sufficere culmen illius ut attingant. Curiosissimus meus conterraneus Lehmannus, Pastor olim Scheibenbergensis in Misnia refert, montosas Patriæ regiones, Erz-Gebürgischer Kreis an Böhmischen Gränzen, adeo assurgere in nubes, ut idem frigus persentiscant cum borealibus regionibus. Nec tamen, testibus metallofossoribus, caret hic tractus diluvii testibus.

(a) Quid dicam de ipsis Alpibus, quas nuper ingeniosissimus ac peritissimus Dn. D. Scheuchzerus, Professor Tigurinus in chartâ noviter inventâ accuratissimè delineavit, præviis octodecim annorum observationibus multo sudore ac impensis, ut ipse literis ad me datis concessâque hac mappa, fatetur. Obstupui steterunisque comæ, cum primùm in hanc introspexi & copiosissima concatenataque montium juga, tam stupenda ac nubes ridentis altitudinis, magis perpendi. Attamen & hæc Alpes his diluvianis reliquiis in specie corallinis non sunt destitutæ. Idem Dn. Scheuchzerus, adjutoriis barometricis observasse, testatur, Alpes 9000 - 12000. pedibus præminere Oceano contermino. (b) Ostende ergo viam, Sceptice, quâ inundatione speciali pervenerint corallia aliaque marina in Alpes? Idem contestatur de Riphæis Silésiæ Excell. Physicus ac Polyhistor Dn. D. Georg. Anton. Volckmann, Medicus Ligniacensis, literis ad me datis: Sowohl diejenigen, welche solche Dinge für Natur-Spiele achten, sind eines grossen Irrthums zubeschuldigen, als auch die nicht glauben wollen, daß diese marina petrificta, reliquie Diluvii universalis wären, sondern nur von einer particular Inundation. Sie möchten doch erweisen, wie selbige nicht nur auf unsere hohe Landschaft sondern auch



auch auf die Gebürge in der Schweiz, in America und Africa kommen? &c.

(a) Schauplatz natürlicher Merckwürdigkeiten des Meißnischen Erz-Gebürgs. p. 747. p. 759. (b) Physicæ Part. II. p. 160.

## §. XXXII.

*Etiam profunditas stratorum* (7) *testatur universalitatem diluvii*, quibus conscripta hæc marina sæpe 200 - 500. pedum, teste Luidio, reperiuntur. Cap. VII. §. 5. de agro Mutinensi percepimus, *Sedimentum diluvianum aliis atque aliis stratis ex eluvionibus sine dubio particularibus esse obrutum ac obtectum*. Nostra fossilia sæpe ad *profunditatem* 20 - 100. pedum latent & quidem in stratis *parallelis ex sedimento turbidi fluidi ortis*. In Lapidicina *Esperstadiensi* prope Querf. superius stratum limosum, 20. ped. densum, sub se continet saburosum ossibus elephantinis aliisque repletum, sub hoc sabuloso reperitur aliud, calcarium, in quo ossa animalium marinarum sunt recondita, *ad ped. 40 - 60*. Nemo rationis compos, hosce *profundas stratificationes ac sepulcra particularibus* eluvionibus annumerabit. Eodem argumento dissentientes aggreditur Dn. D. *Volckmann*. Medic. Ligniac. iisdem ad me datis literis: Es möchten doch diejenige, so nur eine particular Inundation zulassen, nebst der Höhe, auch die fast ungläublichen Tiefen und Klüfte der Erden bedencken, darinnen diese Dinge oft in den allerhärtesten Stein vergraben seyn &c.

## §. XXXIII.

Unicum adhuc addam argumentum. *Fluctuatio horum stratorum non minus* (8) *catholicismum diluvii edocet*. Calcaria quidem strata nostra sunt continua, sed *instar fluctuum* modo pressa, modo insurgentia ad pedes 20 - 60. Versus Borrhapeliotem seu Cæciam Nord-Ost, ped. 60 - 70. declinant. Sic quoque stratum illud celeberrimum ♂ & ♀ *dives nigrum ac fissile Schiffen*, Ichthyolithis refertum,



ad *modum fluctuum* se habet. Versus Notolybium. Sud: West, in agro *Bottendorffensi* unâ cum regione quadantenus exsurgit, mox *sub Onestropressius*, nostram viciniam permeans, versus Septentrionem tendit. In *comitatu Mansfeldensi* iterum, sed *fluctuatim* reperitur, als *steigend und fallend*, quin etiam versus Cæciam, Nord: Ost, in agro *Wettinensi*, ubi & Lithanthraces, Lithophyta ac Ichthyolithi eruuntur. His stratis *fluctuantibus* hîc illic *juga montium sunt imposita*. Nemo igitur *hanc stratorum fluctuationem, collumque impositionem pro effectu particularis inundationis* venditare præsumet.


## §. XXXIV.

Pluribus argumentis non indiget assertus catholicismus diluvianus. Hoc tamen silentio non præteribo. Magnif. Dn *Iob. Wilh. Beyerum*, Theologiæ Doct. ac Prof. celeb. *solidiora in tertiâ* Dissertationum diluvianarum communicaturum esse, ut promisit in *primâ*.

## §. XXXV.

Sat prata. Claudendi sunt rivi & scripto huic coronis est imponenda. *Experientia ac rationi consentanea* pro scopo posui, totus alienus à præjudiciis. An tetigerim, judicent, peritiores me: Sin minus, moneantiidem, à se quoque humani nihil alienum esse putantes. Peræque mihi erit, si meliora posteris erudiendis dedit mea hæc meditatio, *vel aliena correctior dabit*. Non applausum capto, veritatem venor. Nos etenim venantes *participabimus eam amicè*.

Vale *Lector quisquis sis*, mihi que omnem ne denega gratiam, gratiosissimo Numini te cordicitus ~~re~~ commendanti.







# INDEX.

## A.

**A** Nimalium marinorum partes in coralliis p. 15  
in lapide corneo p. 29. sq.

Animalia marina, an tertia creationis die, abductis aquis, remanserint in sedimento? p. 56

Archæus, an ludat? p. 3

Asteriæ sunt articuli stellarum marinarum s. capitum Medusæ. p. 17  
referuntur a quibusdam inter corallia. p. 16.

Astroites originaliter corallion p. 16

Aura seminalis ex animalibus marinis, an detur? p. 7

## B.

Belemnites, originis animalis. p. 2  
in lapide corneo. p. 30

## C.

Caucasus offert diluviana p. 63

Character externus s. structura aggregativa inservit examini fossi-

lium diluvianorum. p. 38

Chymia an idem præstet? p. 35

Chorolithos propriè loquendo non est lusus. p. 4

Conchyliorum marinorum species quam plurimæ in agro Qverfurt. ac vicino. p. 51

Corallia in statu integro ac creato. p. 11. sqq.

Corallia reperta quoq; in fluviis p. 11

Coralliis investiuntur fundum & parietes maris. p. 11. 47

Corallia dividuntur in genus lignosum & saxosum. p. 11

Coralliorum generis lignosi recensio p. 11

saxosi recensio p. 12

Coralliorum ortus p. 13

incrementa annua. p. 11

plura reperiuntur fossilia, quam marina, quare? p. 13

fossilium recensio. p. 17

## K

Corallia



# INDEX.

Corallia marina ab initio mollia p.  
14. consequenter fossilia s. dilu-  
viana p. 46

Coralliorum fossilium nomina spe-  
cifica p. 16

collatio cum marinis p. 17. sqq.

Corallia continent intra se animalium reliquias. p. 11

testas concharum. p. 15

Coralliorum fossilium origo ac natura demonstratur p. 39. sq.

Coralliorum sedes p. 47

in agro Lipsiensi p. 45. Querfurt. p. 50. Masseleni p. 53

Corneus lapis. Vide : Lapis.

Cornu Hammonis denominatio ad Idolo. p. 16.

Curiosi, non curiosa desunt. p. 27

D.

Dendrites, propriè loquendo non est lusus naturæ.

Diluvianorum fossilium historia difficilè cognitu, quare? p. 1. 2

Diluvianæ hypotheseos assertores. p. 8. 9

Diluvium universale à nonnullis negatur. p. 56. Horum opiniones recensentur & examinantur. p. 56. sqq.

Diluvii catholici demonstratio p. 62

testimonia p. 55

descriptio Wedeliana p. 60

Diluvia particularia asseruntur p. 58

Diluvii universalis possibilitatem nemo tenetur probare, cum rerum testimonia adsint. p. 59

E.

Echini, eorumque partes in lapide corneo. p. 30. sq.

F.

Feuer-Stein, unser gemeiner, originis corallinæ est. p. 44

Fossilia diluviana partim cognitu difficilia p. 1. 2.

Fossilium coralliorum natura & origo demonstratur. p. 39. sqq.

Fossilia corallia melius ex charactere externo, quam pyrocriticâ dignoscuntur. p. 35. sq.

H.

Hammities. Hujus ovula consistunt è crustâ, albumine vitello. p. 51

I.

Judaicus Lapis, originis animalis p. 2 in lapide corneo. p. 46

L.

Lambecii commentatiuncula in phiolam achatinam p. 7

Lapis corneus, Feuer-oder Glintzen-Stein est originis corallinæ p. 27. 44

Lapi-



# INDEX.

Lapidis cornei descriptio p.27

Lapidum corn.recensio. p. 28. sqq.

Lapidi corneo involutæ animalium partes.p.29.sq.

Lapidis cornei copia p.47

Lapis corneus, quâ viâ pervenerit in nostras regiones editiores. p.47

Lipsiensis ager maxima ex parte consistit è stratis diluvianis.

Leopoldus, Jac.MathematicusLipsf. primus observavit Fossilia diluviana agri Qvernf.p.52.

Lufuum naturæ causa,an Archæus? p. 3

assertores injurii in DEum serio agentem. p. 3. 4.6

nomine utuntur Viri quoque sapientes, sed ad os & morem vulgi. p.4.5

Lusus dantur, sed phantasiæ ex abusu visus p.5

Lufuum quorundam recensio p. 5. sq.

Obstetrix credulitas p. 6

Lusus facile asserunt, qui diluvium catholicon in dubium vocant. p.8. 6

Lutherus in lapide fossili, figmentum p.6

testis diluvii p. 61

M.

Maria cum infantulo in lapidibus figmentum phantasiæ. p.2

Masselensis ager principatus Olfensis offert diluviana.p.53 agri altitudo. p.66

Mutinensis ager consistit è stratis undosis p.48.sq.

Mylius, Gottl. Fr. primus scripto publ. illustravit fossilia Qvernf. diluviana. p. 52

Mylii Saxonica subterraneâ nemo nostrorum lithophilorum facile carere potest.p.30.

N.

Natura metallolithogenetica p. 3 serio agit,nunquam ludit.p.4

Naturæ ordo seu œconomia post diluvium perturbata p. 4

Nautilites,vulgò cornu Hammonis p. 16

Nux moschata,ut videtur,in lapide Qvernf.

O.

Omnipotentia divina nomine abutuntur, qui lusus asserunt.

P.

Physica termini-loqua insufficiens. p. 2

Cicero

# INDEX.

Ciceronem non loquitur.  
Pyrrhini annuli achates, referens  
idola, non naturæ, sed phantasiæ  
lufus est. p. 4

Pyrites, Vid. Lapis corneus.

## Q.

Qualitatum occultarum assertio  
candidior, quam lufum. p. 3

Quernfurtenfis ager è stratis dilu-  
vianis consistens. p. 48

quàm plurima continet mari-  
na, p. 51

## R.

Rumphius, oculatissimus cæcus,  
enarrat corallia marina, p. 10

## S.

Scholastici partim fastuosi. p. 27

Silesiacus ager Diluvii testis. p. 53

Strata globi terraquei ex sedimento

fluidi turbidi diluviano orta p.  
48. sqq.

in agro Lipsiensi p. 48

Mutinenfi, Quernf.

ac vicino p. 50. sq.

Hassiacò. p. 55

Strata diluviana per universum  
mundum p. 54

in Americâ. p. 54

## T.

Terra medica prope Quernf. p. 36

Testæ concharum in coralliis p. 15

## V.

Volckmannus, Georg. Ant. Med.

D. Lignic. testis stratorum diluv.

p. 66. 67

## W.

Woodvardi Sententia de stratis

diluvianis à D. Camerario nota-

ta. p. 54.

## Sphalmata typographica potiora:

Pag. 7. lin. 20. errore. p. 8. l. 7. Maufeos. Res. p. 8. l. 23. acumen. p. 10.  
l. 21. si fundum. p. 14. l. 14. quem. p. 14. l. 19. generis. p. 15. l. 16. Num. p. 16.  
l. 3. decepti recensent. p. 18. l. 6. radiosam. p. 25. l. 19. fungi. affixa. p. 29. l. 17.  
globuli. p. 29. l. 23. mirari. p. 35. l. 18. negligenda. p. 35. l. 21. nostra. p. 35.  
l. 22. quondam. p. 36. lin. 8. Vitiosus. p. 36. l. 26. Holdenstädt. p. 37. l. 6.  
Fruustum. p. 37. l. 8. Bergzehndeners. p. 38. l. 1. chymicâ. p. 43. l. 20. fatum.  
p. 43. l. 22. marina, lippis. p. 43. l. 23. & ab. p. 44. l. 11. tenebar antea, p. 46.  
l. 12. §. 21. 22. p. 46. l. 24. marinæ. p. 53. l. 6. Conchyliis. p. 55. l. 13. reperi-  
mus. p. 56. l. 11. quàm iudice. p. 56. l. 22. quartâ & sexta. p. 58. l. 23. glareosis  
p. 59. l. penult. 733. p. 65. l. 2. Rara. l. 3. Rara. p. 68. ult. commendanti.












TAB. II.









TAB. iii.



TAB. v.









TAB. IV.





Il paraîtrait que l'auteur de cet écrit, D<sup>r</sup>  
Sigismund Büttner à Auerfort, serait le père  
de feu le Professeur du même nom, D. S. August  
Büttner, mort à Goettingue en 1769. Selon  
le D<sup>r</sup> Blumenbach (ad hist. med. p. 405) celui  
de Goettingue n'a atteint que l'âge de 46 ans,  
et doit être né par conséquent en 1723 environ  
et cet écrit est de 1794. Il est donc surprenant  
que Büttner prétende (essai d'une histoire savante  
de la med. à Goettingue p. 162), que le Büttner de  
Goettingue ait fourni le plus de matériaux  
pour l'ouvrage sur les Ellischen Corallen;  
quant à moi, il me semble plus probable  
que celui-ci ait été l'auteur du livre.



Es scheint also ob. der Verfasser dieses Briefs. David Sigismund  
Büttner in Ansehung der Natur des 1769 in Göttingen  
im Notnamen Hofstadt genannt. Name mit Dr. P. August  
Büttner überein. Auf Büttner in Buch Intro. ad hist. nat.  
p. 405 wurde der Göttinger um 46 Jahren alt und um  
1723 schon getraut zu sein. Auf Cryptallograph. Brief  
am 1714. Aufstellung ist es auch Dr. P. Büttner Wey  
am geliebten Göttinger der Wey zu Götting 162 bezeugt.  
der Göttinger Büttner ist ein wenig von Mitleid als ein  
zu den Ellischen Corallen. Wird geliebt. Ich bin auch  
sicher es wird auch als ob dieser der Autor dieses  
Briefs gewesen ist.











